



მუშათა და გლეხთა მთავრობის

განმანათლებლო და განსაკუთრებული კვალი

სახალხო კომისარიათა საბჭოს და ეკონომიური საბჭოს
სამმართველო განყოფილება

1935 წ. ივლისის 25.

№ 17

ტფილისი

შ ი ნ ა ა რ ს ი

სახელმწიფო წყობილება.

99. ზოგიერთ რაიონში ახალი სასოფლო საბჭოებისა დაარსების და გადარქმევის შესახებ.

100. ზოგიერთ რაიონში ადმინისტრაციულ-ტერიტორიალური გადაჯგუფების შესახებ.

სახალხო მეურნეობის საერთო საკითხები.

101. სამხრეთ-ოსეთში საბჭოთა ხელისუფლების დამყარების დღიდან ხუთმეტი წლის შესრულების შესახებ.

მიწა, ტყე, წყალი, სოფლის მეურნეობა.

102. 1935 წლის ივნის-ივლისში საქართველოს სსრ ტერიტორიაზე მეურნეობებისა და ოთხეუბი საქონლის აღრიცხვის ჩატარების შესახებ.

103. საქართველოს სსრ-ში 1935 წლის მისაკლიდან ჭურჭნისა და ღვინის კონტრაქტაციის და დამზადების გეგმის შესახებ.

ჯანმრთელობის დაცვა.

104. საქართველოს სსრ ჯანმრთელობის სახალხო კომისარიატთან არსებული, დედობისა და ბავშვობის დაცვის სახელმწიფო სამეცნიერო-

საკვლეფო ინსტიტუტის დებულების დამტკიცების შესახებ.

დებულება საქართველოს სსრ ჯანმრთელობის სახალხო კომისარიატთან არსებული, დედობისა და ბავშვობის დაცვის სახელმწიფო სამეცნიერო-საკვლეფო ინსტიტუტის შესახებ.

105. ქალაქებსა, საკურორტო ადგილებსა და მუშათა დაბებში მღრღნელთა წინააღმდეგ ბრძოლის ღონისძიებათა შესახებ.

106. მაღარაინ რაიონებში ყველა დაქაობებული ადგილის აღრიცხვისა და საქართველოს სსრ კაობიანობის რუკის შედგენის შესახებ.

სიხსლის სამართალი.

107. ანისტია სამხრეთ-ოსეთში საბჭოთა ხელისუფლების დამყარების დღიდან ხუთმეტი წლის შესრულების აღსანიშნავად.

108. ანისტია სამხრეთ-ოსეთში საბჭოთა ხელისუფლების დამყარების დღიდან ხუთმეტი წლის შესრულების აღსანიშნავად—იმ პირთათვის, ვინც ჩაიდინეს სამხედრო ტრიბუნალების ქვემდებარე ქმედობა და სამხედრო სადისციპლინო დანაშაული.

სახელმწიფო წმობილება

012.6

99. დადგენილება ც.ა.კ.

ზოგერთ რაიონში ახალი სასოფლო საბჭოების დაარსებისა და გადარქმევის შესახებ.

სრულიად საქართველოს ცენტრალური აღმასრულებელი კომიტეტი ადგენს:

დაარსებულ იქნას ახალი სასოფლო საბჭოები და მოხდეს შემდეგი ადმინისტრაციული და ტერიტორიული გადაჯგუფება ქვემოაღნიშნულ რაიონებში:

აღბულახის რაიონში.

1) გამოიყოს მანგლისის სასოფლო საბჭოს სოფლები: ახალსოფელი, საფუძრეები, ზირბითი და გონხარი, და დაარსდეს ახალი სასოფლო საბჭო ცენტრით სოფელ ახალსოფელში.

2) აღბულახის რაიონის საღარაშენის სასოფლო საბჭოს დაერქვას არსენ ჯორჯიაშვილის სახელობის სასოფლო საბჭო, ხოლო ამ საბჭოს ცენტრს სოფელ ენაგეთს—ჯორჯიაშვილი.

ყარაიას რაიონში.

1) გამოიყოს ქესალო-ნაზარლოს სასოფლო საბჭოს სოფლები: გრიუნტალი და ულიანოვკა, და დაარსდეს ახალი სასოფლო საბჭო ცენტრით სოფელ ულიანოვკაში.

2) გამოიყოს ყარათაფის სასოფლო საბჭოს სოფლები: ტრაუმბერსტალი, გოფუნსტალი და ტატიანოვკა და დაარსდეს ახალი სასოფლო საბჭო ცენტრით ტატიანოვკაში.

ბორჩალოს რაიონში.

გამოიყოს კიზილაჯილოს სასოფლო საბჭოს სოფელი ტრაუმბერბერგი, და დაარსდეს მასში ცალკე სასოფლო საბჭო.

ადიგენის რაიონში.

1) გამოიყოს მლაშეს სასოფლო საბჭოს სოფლები: შტყის უბანი და გოდერძი, და დაარსდეს ახალი სასოფლო საბჭო ცენტრით სოფელ გოდერძში.

2) გამოიყოს კეკელის სასოფლო საბჭოს სოფლები: ზედუბანი, ღორთუბანი და ოფიეთი, და დაარსდეს ახალი სასოფლო საბჭო ცენტრით სოფელ ზედუბანში.

3) გამოიყოს ენთელის სასოფლო საბჭოს სოფლები: ფხერო, ენთელი ზე-

მო და შოკა, და დაარსდეს ახალი სასოფლო საბჭო ცენტრით სოფელ თბილისში.

4) გამოეყოს ადიგენის სასოფლო საბჭოს სოფლები: ზანავი, გომარო და ჩორჩანი, და დაარსდეს ახალი სასოფლო საბჭო ცენტრით სოფელ ზანავში.

5) გამოეყოს ენთელის სასოფლო საბჭოს სოფელი შოლავერი: ხოლო ვარზანის სასოფლო საბჭოს სოფლები: ბენარა და უნწა, და დაარსდეს ახალი სასოფლო საბჭო ცენტრით სოფელ ბენარაში.

6) გამოეყოს მარელის სასოფლო საბჭოს სოფლები: ზაზალო, წყისი ზედა და წყისი ქვედა, და დაარსდეს ახალი სასოფლო საბჭო ცენტრით სოფელ ზაზალოში.

ქუთაისის რაიონში.

1) გამოეყოს დღნორისის სასოფლო საბჭოს სოფლები: საჩხეურა, კაშღევი, ლეხიდრის თავი და ჩორთისა, და დაარსდეს ახალი სასოფლო საბჭო ცენტრით სოფელ საჩხეურაში.

2) გამოეყოს ქვედა სიმონეთის სასოფლო საბჭოს სოფლები: სათემო და ბარდუბანი, და დაარსდეს ახალი სასოფლო საბჭო ცენტრით ჩხარის გზის ჯვარედინზე.

+ ბაღდადის რაიონში.

1) გამოეყოს ბაღდადის სასოფლო საბჭოს სოფლები: წაბლარის ხევი, კო რიში და წყალთაშუა, და დაარსდეს ახალი სასოფლო საბჭო ცენტრით სოფელ წყალთაშუაში.

2) გამოეყოს დიმის სასოფლო საბჭოს სოფლები: როკითი და დიდველა, და დაარსდეს ახალი საბჭო ცენტრით სოფელ როკითში.

3) გამოეყოს როხის სასოფლო საბჭოს სოფელი ვარდციხე და ვარდციხის საბჭოთა მეურნეობა, და დაარსდეს ახალი სასოფლო საბჭო სოფელ ვარდციხეში.

4) გამოეყოს ოზის სასოფლო საბჭოს სოფელი II ოზია (III და IV უბნები), და დაარსდეს ახალი სასოფლო საბჭო ცენტრით სოფელ მე-II ოზიაში.

+ აბაშის რაიონში.

1) გამოეყოს მარნის სასოფლო საბჭოს სოფლები: ქვიშანქალა, თხემლარი, გაუწყინარი და I ილორი (გოგიშვილების უბნის გარდა, რომელიც დატოვებულ იქნას მარნის სასოფლო საბჭოში), და დაარსდეს ახალი სასოფლო საბჭო ცენტრით სოფელ I-ლ ილორში, ილორის სასოფლო საბჭოს სახელწოდებით.

2) გამოეყოს სუჯუენის სასოფლო საბჭოს სოფლები: გამოღმა ზანათი. შუა ზანათი და ვაღმა ზანათი, და დაარსდეს ახალი სასოფლო საბჭო ცენტრით საშუალო ადგილას, ზანათის სასოფლო საბჭოს სახელწოდებით.

ზუგდიდის რაიონში.

გამოეყოს კორცხელის სასოფლო საბჭოს სოფელი ზედაეწერი და სოფელ ბაშის ნაწილი (50 კომლი) და რუხის სასოფლო საბჭოს სოფელ ნაწულუკუს 56 კომლი, და დაარსდეს ახალი სასოფლო საბჭო ცენტრით სოფელ ზედაეწერში.

ლანჩხუთის რაიონში.

- 1) გამოეყოს აკეთის სასოფლო საბჭოს სოფელი ქვედა-აკეთი, და დაარსდეს ამ სოფელში ცალკე სასოფლო საბჭო ცენტრით საშუალო ადგილას.
- 2) გამოეყოს აკეთის სასოფლო საბჭოს სოფელი ჭანჭათი, და დაარსდეს ამ სოფელში ცალკე სასოფლო საბჭო ცენტრით საშუალო ადგილას.

† ჩოხატაურის რაიონში.

- 1) გამოეყოს ბუკისციხის სასოფლო საბჭოს სოფელი იანეული; ხოლო ერკეთის სასოფლო საბჭოს სოფელი ქვემო იანეული (მაიდანო), და დაარსდეს ახალი საბჭო ცენტრით იანეულში.
- 2) გამოეყოს ჩოხატაურის სასოფლო საბჭოს სოფელი გოგოლეისუბანი, და დაარსდეს ამ სოფელში სასოფლო საბჭო ცენტრით შუა ადგილას.
- 3) გამოეყოს ხიდისთავის სასოფლო საბჭოს სოფელი ბასილეთი, და დაარსდეს ამ სოფელში ცალკე საბჭო ცენტრით საშუალო ადგილას.
- 4) გამოეყოს ხიდისთავის სასოფლო საბჭოს სოფელი ქვენობანი, და დაარსდეს ამ სოფელში ცალკე სასოფლო საბჭო ცენტრით საშუალო ადგილას.

† მახარაძის რაიონში.

- 1) გამოეყოს ლიხაურის სასოფლო საბჭოს სოფლები: ჭანიეთი, ქაქუთი და ვაშტილის ნიწილი (22 კომლი), და დაარსდეს ახალი სასოფლო საბჭო ცენტრით სოფელ ჭანიეთში (ჩაბიასოულში).
- 2) გამოეყოს ოზურგეთის სასოფლო საბჭოს სოფლები: ბოხვაური, შემოქმედის სასოფლო საბჭოს—სოფელი კვირიკეთი და მახარაძის საქალაქო საბჭოს სოფლები—ლაშე გაკირულა (ნაწილი), ნასათიბგარი და კვირიკეთი (ნაწილი), და დაარსდეს ახალი სასოფლო საბჭო ცენტრით გაკირულაში.
- 4) გამოეყოს მახარაძის საქალაქო საბჭოს სოფელი ექაღია და ანასოულის ჩაის ინსტიტუტი, და დაარსდეს ახალი საბჭო ცენტრით ანასოულში. ოზურგეთის სასოფლო საბჭოს ცენტრი გადატანილ იქნას ქ. მახარაძიდან სოფელ ოზურგეთში.
- 4) გამოეყოს მერიის სასოფლო საბჭოს სოფელი თხინვალი (106 კომლი და 585 სული), შრომის სასოფლო საბჭოს—69 კომლი და 340 სული და ნატანების სასოფლო საბჭოს—სოფელ საღეთოს ნაწილი (50 კომლი და 245 სული),

და დაარსდეს ცალკე სასოფლო საბჭო ცენტრით სოფელ თხინვალში ჩაის-
რიკასთან.

სამხრეთ-ოსეთის ა. ო-ში.

სტალინირის რაიონში.

1) გამოეყოს ვანეთის სასოფლო საბჭოს სოფლები: გერი, გუდისი, ნიპარე-
თი, შეღეური, საბოლოკო, ღვრია (ჯიქი-ყაუ), წყალ-წმინდა, მარალითი და
ქლარცი, და დაარსდეს ახალი სასოფლო საბჭო ცენტრით სოფელ გერში.

2) გამოეყოს ღრომის სასოფლო საბჭოს სოფლები: გოიათი-ყაუ, შაკათ-
გორა, არცევი, აძვისთავი, დიდახო, გუდიათი-ყაუ, ხიზნეული, ვალითი-ყაუ, კარ-
კითი-ყაუ, ელჯართი-ყაუ, პანტნარი, ოტრევი, ჩხარული, ნოგ-ყაუ, საბუე და იკო-
თი, და დაარსდეს ახალი სასოფლო საბჭო ცენტრით სოფელ არცევიში.

ზნაურის რაიონში.

გამოეყოს ოქონის სასოფლო საბჭოს სოფლები: ზნაურ-ყაუ, ახალსო-
ფელი, ალიბარი, მულრისი, ნაბაკევი, ნეღლათი, ხუნდის უბანი, შინდარა და
თიღვა, და დაარსდეს ახალი სასოფლო საბჭო ცენტრით სოფელ ბრაუნში.

სრ. საქ. ც.ა.კ-ის თავმჯდომარე ფ. მახარაძე.

სრ. საქ. ც.ა.კ-ის მდივანი თ. უღენტი.

1935 წ. მაისის 10.

ტფილისი.

100. დადგენილება ც.ა.კ.

ზოგიერთ რაიონში ადმინისტრაციულ-ტერიტორიალური გადაჯგუფების
შესახებ.

სრულიად საქართველოს ცენტრალური აღმასრულებელი კომიტეტი აღ-
გენს:

მოხდეს შემდეგი ადმინისტრაციულ-ტერიტორიალური გადაჯგუფება ქვე-
მოაღნიშნულ რაიონებში:

თელავის რაიონში.

გამოეყოს თელავის რაიონის ახმეტის სასოფლო საბჭოს სოფელი ხორბა-
ლო, რომელიც შეუერთდეს ამავე რაიონის ზემოაღვანის სასოფლო საბჭოს.



დღეშეთის რაიონში.

გამოეყოს დღეშეთის რაიონის ანანურის სასოფლო საბჭოს სოფელი დგნალი, რომელიც შეუერთდეს ამავე რაიონის ფასანაურის სასოფლო საბჭოს.

ხაშურის რაიონში.

გამოეყოს ხაშურის რაიონის ცოცხნარის სასოფლო საბჭოს სოფელი ბრილი, რომელიც შეუერთდეს ამავე რაიონის აღის სასოფლო საბჭოს.

გამოეყოს ხაშურის რაიონის რუისის სასოფლო საბჭოს სოფელი სასირეთი, რომელიც შეუერთდება ამავე რაიონის ბრეთის სასოფლო საბჭოს.

ქუთაისის რაიონში.

სრ. საქ. პრეზიდიუმის ა/წ 20 თებერვლის დადგენილების შესაცვლელად (საქ. სსრ. კან. კრ. 1935 წ. № 9 მუხ. 45), დატოვებულ იქნეს ქუთაისის რაიონის წყალტუბოს სასოფლო საბჭოში—სოფელ ჩუნეშის 30 კომლი, ამავე რაიონის ცხუნკურის სასოფლო საბჭოში—სოფელ ყუმისთავის 30 კომლი და ამავე რაიონის გოდოვანის სასოფლო საბჭოში სოფელ ნავარევის 10 კომლი.

სრ. საქ. ც.ა.კ.-ის თავმჯდომარე ფ. შახარაძე

სრ. საქ. ც.ა.კ.-ის მდივანი თ. შლენტი.

1935 წ. მაისის 21.

ტფილისი.

სახალხო მუშურნეობის საქართო საქითხეზი

101. დადგენილება ც.ა.კ. და ს.კ.ს.

სამხრეთ-ოსეთში საბჭოთა ხელისუფლების დამყარების დღიდან ხუთმეტწლის შესრულების შესახებ.

სამხრეთ-ოსეთში საბჭოთა ხელისუფლების დამყარების დღიდან ხუთმეტწლის შესრულების აღსანიშნავად, სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

I

1. დაჯილდოვებულ იქნან სრულიად საქართველოს ცენტრალური აღმასრულებელი კომიტეტის საპატიო სიგელით შემდეგი წითელი პარტიზანები, რომლებიც აქტიურად იბრძოდნენ სამხრეთ-ოსეთში საბჭოთა ხელისუფლების დამყარებისათვის:

1) ოფილა ყოჩიევი (ყოფ. წითელი პარტიზანი სარძეო-სასაქ. ფერმის გამგე),

2) ივანე ჯანიევი (ყოფ. წითელი პარტიზანი, ყორნისის კოლექტიური მეურნეობის საუკეთესო დამკვერელი),

3) რაქდენ კოზაევი (ყოფ. წითელი პარტიზანი, ელექტროსადგურის მეურნეობის საუკეთესო დამკვერელი),

4) ვასილი პეტრიაშვილი (ყოფ. წითელი პარტიზანი).

2. დაჯილდოებულ იქნან სრულიად საქართველოს ცენტრალური აღმასრულებელი კომიტეტის საპატიო სიგელით კოლექტიური მეურნეობის საორგანიზაციო-სამეურნეო და პოლიტიკური განმტკიცების საქმეში დამსახურებისათვის:

1) ეგნატე მამიევი (წუნარის კოლექტიური მეურნეობის თავმჯდომარე),

2) სურანდო ჯიოევისა (ცონის კოლექტიური მეურნეობის საუკეთესო დამკვერელი-ქალი, მწველელი).

3) ლევან მიდოდაშვილი (არგვიდის კოლექტიური მეურნეობის თავმჯდომარე).

4) სალომე გობოზოვისა (ზნაურის კოლექტიური მეურნეობის საუკეთესო დამკვერელი).

3. აღიძრას შუამდგომლობა ამიერკავკასიის ცენტრალური აღმასრულებელი კომიტეტის პრეზიდიუმის წინაშე, რათა ამიერკავკასიის ცენტრალური აღმასრულებელი კომიტეტის საპატიო სიგელით დაჯილდოებულ იქნან მათე ივანეს ძე სანაკოევი, ყოფილი ხელმძღვანელი პარტიზანული რაზმებისა სამხრეთ-ოსეთში, და დავით ბიძინას-ძე ფლიევი, ფრინველის კოლექტიური მეურნეობის თავმჯდომარე.

II

1. გაცემულ იქნას სამხრეთ-ოსეთის ავტონომიური ოლქის ცენტრალური აღმასრულებელი კომიტეტის განკარგულებაში ასი ათასი მანეთი.

2. გამოყოფილ იქნას სამხრეთ-ოსეთის ავტონომიური ოლქის ცენტრალური აღმასრულებელი კომიტეტის განკარგულებაში 1935 წლის მე-III კვარტალში ორი სატვირთო და ერთი მსუბუქი ავტომანქანა.

III

განხორციელებულ იქნას 1935 წელს სამხრეთ-ოსეთის ავტონომიურ ოლქში შემდეგი ღონისძიებანი კაპიტალურ დანახარჯთა სფეროში:

მ რ ე წ ვ ე ლ ო ბ ი ს ხ ა ზ ი თ .

1. აღიძრას სსრ კავშირის შიშივე მრეწველობის სახალხო კომისარიატის წინაშე საკითხი, რათა 1936 წლის გეგმაში შეტანილ იქნას კუდარის ტყვია-თუთიას საბადოს მშენებლობის დაწყება (მაღარო და საფლოტაციო ფაბრიკა 7. 500 ტონა კონცენტრატის ძალოვნებით).

ეთხოვოს „გლავცვეტმეტს“ — უზრუნველყოს აღნიშნული მშენებლობის პროექტის შედგენა 1935 წლის მე-IV კვარტალში.

2. წინადადება მიეცეს საქართველოს სსრ ადგილობრივი მრეწველობის სახალხო კომისარიატს:

ა) შეიტანოს 1936 წლის გეგმაში წნელისის ტალკის საწარმოს მშენებლობა და უზრუნველყოს მიმდინარე წელს სათანადო პროექტის შედგენა;

ბ) დაამთავროს 1935 წელს სატყეო კომბინატთან ზნეჭილი ავეჯის ცხენის მშენებლობა და ააშენოს იმავე წელიწადში საპარკო, სარანდავი და საკანონო ცეხები;

გ) შეიმუშაოს სტალინირში მექანიზებული წისქვილის აგების საკითხი;

დ) გაითვალისწინოს 1936 წლის გეგმით სამხრეთ-ოსეთში კრამიტის ქარხნის მშენებლობა 1.000.000 ცალი კრამიტის ძალოვნებით და აგრეთვე ფრისის ტუფის დაშუშავება როგორც საკედლე მასალისა მშენებლობისათვის.

3. ვინაიდან სამხრეთ-ოსეთის ავტონომიურ ოლქში მოიპოვება სხვადასხვაგვარი სამთო სიმდიდრენი, ყოველ ღონისძიებით დაჩქარებულ იქნას საძიებლო სამუშაოები,—და მიმდინარე წელს ჩატარებულ იქნას თითბრის საბადოს ძიებლობა რაროში და ნახშირის საბადოს ძიებლობა ცონაში.

მოწყობილ იქნას ცონის საბადოდან ნახშირის ამოღება ადგილობრივ მოთხოვნილებათა დასაკმაყოფილებლად.

გათვალსწინებულ იქნას 1936 წლის გეგმაში მრავალ ლითონთა ძიებლობა ჯირიაში, ჯომაგში, და წეისში.

ელექტროფიკაციის ხაზით.

4. ქალაქსტალინირის მოთხოვნილების დასაკმაყოფილებლად ელექტროენერჯის მხრით გათვალისწინებულ იქნას 1936 წლის გეგმაში ჰიდროელექტროსადგურის მშენებლობა 600 ცხენძალის ძალოვნებით და ორი სასოფლო ჰიდროელექტროსადგურისა 100 ცხენძალამდე ჯავისა და ლენინგორის რაიონებში.

სოფლისა და წყალთა მეურნეობის ხაზით.

5. წინადადება მიეცეს საქართველოს სსსრ მიწათმოქმედების სახალხო კომისარიატს:

ა) დაიწყოს 1936 წელს კეხვის სარწყავი არხის მშენებლობა 4.500 ჰექტარამდე ფართობის გამოსვლით საექსპორტო მეხილეობის განვითარებისათვის და ჰიდროტექნიკურ ნაგებობათა მშენებლობა გადააბას ჰიდროელექტროსადგურის მშენებლობას სტალინირისათვის მაგისტრალური არხის შხივებზე;

ბ) სამხრეთ-ოსეთში მეცხოველეობის განვითარების მიზნით ჩაატაროს ველებისა და საძოვრების შესწავლა და პასპორტიზაცია ისეთი ვარაუდით, რომ ეს მუშაობა დამთავრებულ იქნას არა უგვიანეს 1937 წლისა;

გ) შეიტანოს 1936 წ. გეგმაში საჯიშეების სათანადო სადგომების მშენებლობა ჯავაში და ზოტექნიკუმისა და საცდელი საფუტკრის მშენებლობა ჯავის რაიონში;

დ) უზრუნველყოს 1936 წელს ხილეულის ახალ ნარგავთა ჩაყრა 200 ჰექტარის ფართობზე და ჩაატაროს სამეცნიერო-საკვლევო მუშაობა მემინდვრობისათვის განკუთვნილი წონათის მასივის ნიადაგის შესასწავლა.



ტრანსპორტის ხაზით.

6. რადგანაც რკინის გზის გაყვანას სამხრეთ-ოსეთის ავტონომიური ოლქისათვის უდიდესი სახალხო-სამეურნეო მნიშვნელობა აქვს, აღიძრას სსრ კავშირის გზათა სახალხო კომისარიატის წინაშე შუამდგომლობა 1936 წელს ტრანსკავკასიური რკინის გზის სათავე უბნის (გორი-სტალინირი) მშენებლობის დაწყების შესახებ.

7. წინადადება მიეცეს საქართველოს სსრ გზატკეცილებისა, ყამირ-გზებისა და საავტომობილო ტრანსპორტის სამმართველოს—შეიტანოს 1936 წლის გეგმაში სტალინირ-როკას გზატკეცილის მშენებლობა და აგრეთვე გუფთა-ყუღარის გზის მშენებლობა, რომელ გზასაც ტყვია-თუთიას საბადომდე მიჰყავს.

კომუნალური და საბინაო მშენებლობის ხაზით.

8. წინადადება მიეცეს საქართველოს სსრ კომუნალური მეურნეობის სახალხო კომისარიატს—გაითვალისწინოს 1936 წლის გეგმით კაპიტალური დაბანდებანი ქალ. სტალინირის კეთილმოწყობისათვის (მოკირწყვლა, გამწვანება და სხვ. მისთ.), საბჭოთა სახლის მშენებლობის დამთავრებისათვის, ლიახვზე ხიდის მშენებლობისათვის, საადმინისტრაციო სახლების მშენებლობისათვის ჯავასა და ლენინგორში და აბანოების მშენებლობისათვის ჯავასა და ზნაურში.

კულტურული მშენებლობის ხაზით.

9. წინადადება მიეცეს საქართველოს სსრ განათლების სახალხო კომისარიატს—გაითვალისწინოს 1936 წ. კაპიტალურ დანახარჯთა გეგმაში:

- ა) ერთი სრული საშუალო სკოლის მშენებლობა სტალინირში და სტუდენტთა საერთო საცხოვრებლის მშენებლობა;
- ბ) საშუალო სკოლის მშენებლობა ზნაურსა და ლენინგორში და არასრული საშუალო სკოლის მშენებლობა სამხრეთ-ოსეთის ავტ. ოლქის 3 რაიონში;
- გ) სტალინირში სტამბის მშენებლობის დამთავრება;
- დ) კინოს მშენებლობა ჯავასა და ლენინგორში

10. წინადადება მიეცეს საქართველოს სსრ ჯანმრთელობის სახალხო კომისარიატს—გაითვალისწინოს 1936 წლის კაპიტალურ დაბანდებათა გეგმაში სტალინირში საოლქო საავადმყოფოს და ჯავაში სარაიონო საავადმყოფოს მშენებლობა.

საკურორტო მშენებლობის ხაზით.

11. წინადადება მიეცეს საქართველოს მთავარ საკურორტო სამმართველოს—გაითვალისწინოს 1936 წლის გეგმაში ჯავის სანატორიუმის მშენებლობის დამთავრება და მინერალური წყაროს ძაუ-სუარის კაპტაჟი; აგრეთვე განახორციე-

ლოს იმავე წელს კურორტ ძაუს კეთილმოწყობა და სამეცნიერო-საკურორტო აღდგენის სამსახრეთ-ოსეთის საკურორტო აღდგენებისა და მინერალური წყაროების შესასწავლად (ედისი, ნაგუთნი და ლესა).

სრ საქ. ც.ა.კ-ის თავმჯდომარე ფ. მახარაძე.

საქ სსრ ს.კ.ს-ის თავმჯდ. მოადგ. ბ. მდივანი

სრ საქ. ც.ა.კ-ის მდივანი თ. უღენტი.

1935 წ. ივნისის 6. № 45/726.

ტფილისი.

გამოქვეყნებულია გაზ. „კომუნისტის“ 132 №-ში 1935 წ. ივნისის 8.

მიწა, ტყე, წყალი. სოფლის მეურნეობა.

102. დადგენილება ს.კ.ს.

1935 წლის ივნის-ივლისში საქართველოს სსრ ტერიტორიაზე მეურნეობებისა და ოთხფეხი საქონლის აღრიცხვის ჩატარების შესახებ.

1935 წლის ივნისისათვის საქართველოს სსრ-ის მეურნეობებისა და ოთხფეხი საქონლის საერთო რიცხვის გამორკვევის მიზნით, საქართველოს სსრ სახალხო კომისართა საბჭო, — 1935 წლის ივნის-ივლისში მეურნეობებისა და ოთხფეხი საქონლის აღრიცხვის ჩატარების შესახებ“ გამოცემული, სსრ კავშირის სახალხო კომისართა საბჭოს 1935 წ. მაისის 17-ის დადგენილების შესაბამისად, — აღგენს:

1. დაევალოს ფინანსთა სახალხო კომისარიატს—სოფლად სასოფლო-სამეურნეო საგადასახადო აღრიცხვის ჩატარების დროს უზრუნველყოს ივნის-ივლისში:

ა) კოლმეურნეობებისა, კოლმეურნეთა მეურნეობებისა, ერთპიროვნული მეურნეობებისა, მუშებისა, მოსამსახურეებისა და სოფლად მცხოვრები სხვა მოსახლეობის მეურნეობების სრული აღრიცხვა, იმისდამიუხედავად, იბეგრებიან ისინი სასოფლო-სამეურნეო გადასახადით თუ არა;

შენიშვნა 1. სასოფლო-სამეურნეო საგადასახადო აღრიცხვის ჩატარების მხრით მიეკუთვნოს სოფელ-აღდგენებს შემდეგი ქალაქის ტიპის დასახლებული ადგილები: ბაკურიანი, ლაგოდეხი, ლანჩხუთი, ლუქსებურგი, მანგლისი, მცხეთა, სურამი, ქობულეთი, ცაგერი, წალკერი და შაუმიანი, სადაც საფინანსო ორგანოები მოვალენი არიან ჩაატარონ მეურნეობებისა და ოთხფეხი საქონლის მთლიანი აღრიცხვა დადგენილი ფორმების მიხედვით;



შენიშვნა 2. საგადასახადო ობიექტების აღრიცხვა დანარჩენ ქალაქებში სწარმოებს საერთო საფუძველზე, ე. ი. ასეთ ქალაქებში საფინანსო ორგანოები აღრიცხავენ დაბეგვრის ობიექტებს მხოლოდ იმ მეურნეობებში, რომელნიც იბეგრებიან სასოფლო-სამეურნეო გადასახადით;

ბ) ყველა სახისა და ხნის ოთხფეხი საქონლის სრული აღრიცხვა ყველა იმ მეურნეობაში, რომელიც აღნიშნულია 1-ლი მუხლის „ა“ პუნქტში, საქართველოს სსრ სახალხო-სამეურნეო აღრიცხვის სამმართველოს მიერ დამტკიცებული პროგრამის მიხედვით;

გ) იმ რაიონებში, სადაც სწარმოებს ოთხფეხი საქონლის საზაფხულო საძოვრებზე გარეკვა (თელავის, გურჯაანის, სიღნაღის, სავარეჯოს, ტფილისის, დუშეთის, ყაზბეგის, ყარაიას, ბორჩალოს, ლუქსემბურგის, მარტვილის, ზუგდიდის, ჩხოროწყუს, წალენჯიხის, ლენინგორის, ხულოს, ქობულეთის, ქედის და სხვ.), საგადასახადო კომისიების გაგზავნა ოთხფეხი საქონლის სამყოფელი ადგილის მიხედვით, საქონლის აღრიცხვისათვის ამა დადგენილების მე-11 მუხლის „ა“ და „ბ“ პუნქტებში დადგენილ საფუძვლებზე; კომისიები უნდა გაიგზავნოს ისეთი ვარაუდით, რომ საქონლის აღრიცხვა საზაფხულო საძოვრებზე (იალაღებზე) და სოფლად წარმოებული ასეთივე მუშაობა დამთავრდეს ერთ და იმავე დროა, რისთვისაც საგადასახადო კომისიები ვალდებული არიან დროით გაემგზავრნენ საზაფხულო საძოვრებზე;

დ) წალენჯიხის რაიონის კოლმეურნეობათა განსაზოგადოებული საქონლის აღრიცხვა, რაც საქართველოს ფარგლებს გარეთაა (ყუბანი და სხვ).

2. დავეალოს საქართველოს სსრ სახალხო-სამეურნეო აღრიცხვის სამმართველოს—ჩაატაროს იმავე ვადებზე:

ა) ოთხფეხი საქონლის სრული აღრიცხვა საბჭოთა მეურნეობებსა, კოლმეურნეობებსა, მუშათა მომარაგების განყოფილებათა მეურნეობებსა, სავაქრო და სატრანსპორტო წამოწყებებსა, დამმზადებელ და გასასუქებელ პუნქტებსა და „გლავისას“ კომბინატებსა და აგრეთვე ყველა დანარჩენ სახელმწიფო და საზოგადოებრივ ორგანიზაციაში, რომელსაც ჰყავს პროდუქტიული და მუშა-საქონელი სოფლად და ქალაქად;

ბ) კერძო მფლობელობაში მყოფი საქონლის, ნათესი ფართობების, ბაღებისა და ვენახების აღრიცხვა ქალაქებსა და ქალაქის ტიპის დასახლებულ ადგილებში იმ სიის მიხედვით, რომელიც დადგენილია საქართველოს სსრ სახალხო-სამეურნეო აღრიცხვის სამმართველოს მიერ.

ქალაქის ტიპის დასახლებულ ადგილებში, რომლებიც სასოფლო-სამეურნეო გადასახადის მხრით გათანაბრებულია სოფელ-ადგილებთან (1-ლი მუხლის „ა“ პუნქტის შენიშვნა), მეურნეობებისა და საქონლის აღრიცხვას აწარმოებენ საფინანსო ორგანოები.

3. დავეალოს მე-2 მუხლის „ა“ პუნქტში ჩამოთვლილ მეურნეობებისა, წამოწყებებისა და ორგანიზაციების ხელმძღვანელთ, მათი პირადი პასუხისმგებლობით წარუდგინონ 1935 წ. ივნისის 5-თვის სახალხო-სამეურნეო აღრიცხვის



სარაიონო ან საქალაქო ინსპექტორებს ზედმიწევნითი და მათ მიერ შემოწმებული ცნობები აღნიშნული მეურნეობების კუთვნილი საქონლის რაოდენობის შესახებ 1935 წლის ივნისის 1-სთვის არსებული მდგომარეობის მიხედვით.

გარდა ამისა, დაევალოს საბჭოთა მეურნეობებისა და კოოპმეურნეობების ღირებულებების იმავე ვადაზე წარადგინონ ცნობები საბჭოთა მეურნეობებისა და კოოპმეურნეობების ტერიტორიაზე მცხოვრებ მუშა-მოსამსახურეთა მეურნეობებისა და მათი კუთვნილი საქონლის რაოდენობის შესახებ.

4. დაევალოს სარაიონო აღმასრულებელ კომიტეტებსა და საქალაქო საბჭოებს—ჩაატარონ თავისი საშუალებით საქართველოს სახალხო-სამეურნეო აღრიცხვის სამმართველოს მიერ დამტკიცებული ფორმებით ქალაქებისა და ქალაქის ტიპის დასახლებული ადგილების ტერიტორიაზე კერძო მფლობელობაში მყოფი საქონლისა, ნათესი ფართობებისა, ბაღებისა და ვენახების აღრიცხვა.

5. დაევალოს აფხაზეთის ასსრ, აჭარისტანიის ასსრ და სამხრეთ-ოსეთის ავტ. ოლქის ცენტრალურ აღმასრულებელ კომიტეტებს, სარაიონო აღმასრულებელ კომიტეტებს და საქალაქო საბჭოებს—უზრუნველყონ ოპერატიული ხელმძღვანელობისა და კონტროლის გაწვევა ფინანსთა სახალხო კომისარიატისა და საქართველოს სსრ სახალხო-სამეურნეო აღრიცხვის საწარმელოს ორგანოების მიერ მეურნეობებისა და საქონლის აღრიცხვის ჩატარებისათვის, და გამოყოფონ ამ ორგანოების განკარგულებაში სააღრიცხვო კამპანიისა და აღრიცხვის მასალების დამუშავების დროისათვის ნაცადი და ტექნიკურად მომზადებული მომუშავენი და საჭირო სამიმოსვლო საშუალებანი (ნატურად და ფულად).

6. მივლინებულ და მიმაგრებულ იქნან სარაიონო აღმასრულებელ კომიტეტებზე საქართველოს სსრ სახალხო კომისართა საბჭოს სპეციალური რწმუნებულები სააღრიცხვო კამპანიის მსვლელობისა და აღრიცხვის შედეგების დამუშავებისათვის ხელმძღვანელობისა და კონტროლის გასაწვევად.

დაეკისროს სარაიონო აღმასრულებელ კომიტეტებს—მიამაგრონ თვითნებურ სასოფლო საბჭოს იმავე მიზნით სპეციალური რწმუნებულები.

7. დაევალოს აფხაზეთის ასსრ, აჭარისტანიის ასსრ და სამხრეთ-ოსეთის ავტ. ოლქის ცენტრალურ აღმასრულებელ კომიტეტებს—ჩაატარონ ამა დადგენილების მე-6 მუხლში აღნიშნულ რწმუნებულთა მიმაგრება მათი რესპუბლიკებისა და ოლქის რაიონებსა და სასოფლო საბჭოებზე.

8. პერსონალური პასუხისმგებლობა მეურნეობებისა და საქონლის სწორი და სრული აღრიცხვისათვის დაეკისროს: საქართველოს სსრ-ში—საქართველოს სსრ ფინანსთა სახალხო კომისარს და საქართველოს სსრ სახალხო-სამეურნეო აღრიცხვის სამმართველოს უფროსს; ავტონომიურ რესპუბლიკებსა და ოლქში—საქართველოს სსრ ფინანსთა სახალხო კომისარიატის რწმუნებულებს და სახალხო-სამეურნეო აღრიცხვის სამმართველოს უფროსებს; რაიონებში—სარაიონო საფინანსო განყოფილებების გამგეებსა და სახალხო-სამეურნეო აღრიცხვის სარაიონო ინსპექტორებს.



9. დაევალოს სარაიონო საფინანსო განყოფილებებს და სახალხო-სამეურნეო აღრიცხვის სარაიონო ინსპექტორებს—ჩაატარონ სასოფლო საბჭოების თავმჯდომარეების, მდივნების და მოანგარიშეებისა, სოფლის საგადასახადო კომისიის წევრებისა, სასოფლო საბჭოს საფინანსო სექციის წევრებისა და ფინაქტივისტების ინსტრუქტირება მეურნეობებისა და საქონლის აღრიცხვის ორგანიზაციისა და ჩატარების ტექნიკისათვის.

10. დაევალოს აფხაზეთის ასსრ, აჭარისტანიის ასსრ და სამხრეთ-ოსეთის ავტ. ოლქის ცენტრალურ აღმასრულებელ კომიტეტებსა და სარაიონო აღმასრულებელ კომიტეტებს—უზრუნველყონ არა უგვიანეს 1935 წლის ივნისის 1-ისა კოლმეურნეობათა ძირითადი საწარმოო მაჩვენებლების აღრიცხვის ჟურნალებით (ფ. № 1) და მეურნეობითი დავთრებით (ფ. № 2-ა და 2-ბ) ის სასოფლო საბჭოები, რომლებსაც ჯერ კიდევ არა აქვთ ეს ჟურნალი და დავთარი, რაც გათვალისწინებულია სსრ კავშირის სახალხო კომისართა საბჭოს 1934 წლის ნოემბრის 20-ის დადგენილებით „1935 წლისთვის სასოფლო საბჭოებში პირველადი აღრიცხვის შესახებ“ (სსრკ კან.კრ. 1934 წ. 63 №-ი მუხ. 454). თანაც წინადადება მიეცეს ყველა სასოფლო საბჭოს—გაუხსნას აღნიშნულ დავთრებში პირადი ანგარიში ყველა მეურნეობას და შეიტანოს შიგ ყველა საჭირო ცნობა მეურნეობების და საქონლის აღრიცხვის წარმატებით ჩატარების უზრუნველსაყოფად.

11. საფინანსო ორგანოებისა და სასოფლო საბჭოების მიერ მეურნეობებისა და საქონლის აღრიცხვის ჩატარებისათვის დადგენილ იქნას შემდეგი წესი:

- კოლმეურნეობებისა და კოლმეურნეობების განსაზოგადოებული საქონლის აღრიცხვას აწარმოებენ უშუალოდ სარაიონო საფინანსო განყოფილებანი;
- კოლმეურნეთა და ერთპიროვნულ მეურნეთა მეურნეობებისა და საქონლის აღრიცხვას აწარმოებენ სასოფლო საბჭოები სასოფლო საგადასახადო კომისიების დახმარებით, რომელთა შედგენილობას ამტკიცებს სარაიონო აღმასრულებელი კომიტეტი; აღრიცხვის სრულად და სისწორით ჩატარებისათვის მთელი პასუხისმგებლობა ეკისრება სასოფლო საბჭოს თავმჯდომარეს;

- სასოფლო საბჭო პირველ რიგში აწარმოებს მეურნეობათა მთლიან დაკითხვას და დაკითხვის ცნობების შემოწმებას არსებულ მასალებთან (1934 წლის სასოფლო-სამეურნეო გადასახადის მასალებთან, 1935 წლის კულტგამოსაღების მასალებთან, 1935 წლის იანვრის 1-თვის საქონლის აღწერის მასალებთან და სხვ.); ქამის შემდეგ, სასოფლო საბჭოს გადააქვს დაკითხვის ცნობები განსახილველად სოფლის საბჭოს პლენუმზე აქტივთან ერთად, ამოწმებს ასეთი განხილვის დროს გაკეთებულ შენიშვნებს და შეაქვს საჭირო შესწორებანი;

- ამის შემდეგ, სარაიონო საფინანსო განყოფილება, სპეციალური ბრიგადების მეშვეობით, თვითეულ დასახლებულ პუნქტში აწარმოებს გამორჩევითი წესით აღრიცხვის სისრულისა და სისწორის საკონტროლო შემოწმებას, კომლექსის შემოვლისა და საქონლის ნატურად დათვლით; უკეთუ აღმოჩნდა მნიშვნე-



ლოვანი შეუსაბამობანი, სასოფლო საბჭო მოახდენს ხელახალ მთლიან მუშაობას;

ე) აღრიცხვისა და ყველა შესამოწმებელ სამუშაოთა დამთავრების შემდეგ სასოფლო საბჭო შეადგენს მეურნეობებისა და საქონლის აღრიცხვის შედეგების ჯამობრივ სიას და გადასცემს სარაიონო საფინანსო განყოფილებას.

12. დაევალოს სარაიონო საფინანსო განყოფილებებს—მეურნეობებისა და საქონლის აღრიცხვის საშედეგო ჯამები, მათ მიერ დამტკიცებული, გადასცენ სახალხო სამეურნეო აღრიცხვის სარაიონო ინსპექტორებს არა უგვიანეს 2 დღისა ჯუმლების მიღების დღიდან.

13. დაევალოს სახალხო-სამეურნეო აღრიცხვის სარაიონო ინსპექტორებს—სარაიონო საფინანსო განყოფილებისაგან საქონლის აღრიცხვის ჯუმლების მიღებისთანავე ჩაატარონ, სპეციალური შემოწმებელი ბრიგადების მეშვეობით, ეურნეობათა საკონტროლო ჩამოვლა საქონლის ნატურად და თვლით, საქართველოს სსრ სახალხო-სამეურნეო აღრიცხვის სამმართველოსაგან მიღებულ მითითებათა შესაბამისად. შემოწმებელი ბრიგადების ხელმძღვანელნი უნდა დანიშნონ სარაიონო აღმასრულებელმა კომიტეტებმა და საქალაქო საბჭოებმა სარაიონო და საქალაქო აქტივის შედგენილობიდან, სახალხო-სამეურნეო აღრიცხვის ინსპექტორის წარდგენით. ბრიგადის დანარჩენი წევრები უნდა შერჩეულ იქნას კოლმეურნეობათა აქტივის შედგენილობიდან და საბჭოთა, პარტიულ, კომკავშირულ და პროფკავშირულ ორგანიზაციების წარმომადგენლებისაგან.

დაევალოს სარაიონო აღმასრულებელ კომიტეტებს და საქალაქო საბჭოებს—უზრუნველყონ საკონტროლო ბრიგადები საჭირო სამიმოსვლო საშუალებით (ნატურად ან ფულად) მეურნეობებისა და საქონლის აღრიცხვის შედეგების საკონტროლო შემოწმების წარმატებით და თავის დროზე ჩასატარებლად.

14. დაწესებულ იქნას, რომ საკონტროლო შემოწმება უნდა შეეხოს უკლებლივ ყველა კოლმეურნეობას და აგრეთვე საბჭოთა მეურნეობას, კოოპმეურნეობას და მუშათა მომარაგების განყოფილებათა მეურნეობას.

კოლმეურნეებისა, ერთბირივნული მეურნეებისა, მუშებისა, მოსამსახურეებისა და დანარჩენი მოსახლეობის მეურნეობათა საკონტროლო შემოვლით გარემოცულ უნდა იქნას მთელი სასოფლო საბჭო ან დასახლებული პუნქტი, ისე, რომ თვითულ რაიონში შემოწმდეს არა ნაკლებ მეურნეობათა საერთო რიცხვის 15%-ისა.

დაევალოს საქართველოს სსრ სახალხო-სამეურნეო აღრიცხვის სამმართველოს ორგანოებს და 1 მუხლის „გ“ პუნქტში ჩამოთვლილი რაიონების აღმასრულებელ კომიტეტებს მოაწყონ სავაზაფხულო საძოვრების ძირითად მასივებზე საქონლის ნატურად აღრიცხვის შედეგების საკონტროლო შემოწმება.

15. დაევალოს საქართველოს სსრ სახალხო-სამეურნეო აღრიცხვის სამმართველოს ორგანოებს ქალაქებსა და ქალაქის ტიპის დასახლებულ ადგილებში—აღრიცხვის დამთავრებისთანავე, ჩაატარონ მეურნეობათა საკონტროლო შემოვლა საქონლის ნატურიდ შემოწმებისათვის, რითაც მოცულ უნდა იქნას არა ნაკლებ



სახლმფლობელობათა საერთო რიცხვის 20%-ისა. სახლმფლობელობათა შემოსუ-
ლას აწარმოებენ შემომწმებელი ბრიგადები საქალაქო საბჭოს წევრების მეთაუ-
რობით.

16. დაწესებულ იქნას, რომ აღრიცხვის ჩატარება სასოფლო საბჭოებში
საკონტროლო შემოვლის (მუხ. 14 და 15) ჩათვლით და სასოფლო საბჭოების
ჯამლების შედგენა რაიონების მიხედვით უნდა დამთავრდეს შემდეგ ვადებზე:

ყვარლის, ლაგოდეხის, ტფილისის, თიანეთის, ყაზბეგის, ყარაიას,
ბაშკიჩეთის, კასპის, ბორჯომის, ხორაგოულის, ონის, ვანის, ბალ-
დადის, ჩხარის, ტყიბულის, აბაშის, ხობის, ფოთის, ლანჩხუთის,
მახარაძის, ქვემო-სვანეთის და ზემო-სვანეთის რაიონებში . . . ივნისის 25-ს

თელავის, გურჯაანის, სიღნაღის, საგარეჯოს, დუშეთის, აღბულახ-
მანგლისის, წალკის, ბორჩალოს, ლუქსემბურგის, გორის, სტალი-
ნისის, ახალქალაქის, ბოგდანოვკის, ახალციხის, ადიგენის ასპინძის,
ქუთაისის, სამტრედიის, ზესტაფონის, კიათურის, ონის, ამბრო-
ლაურის, ცაგერის, სენაკის, მარტვილის, ზუგდიდის, წალენჯიხის,
ჩხოროწყუს და ჩოხატაურის რაიონებში და აფხაზეთის და აჭა-
რისტანის ასს რესპუბლიკებში და სამხრეთ-ოსეთის ავტ. ოლქში ივნისის 30-ს

დაევალოს საქართველოს სსრ ფინანსთა სახალხო კომისარიატს და საქარ-
თველოს სსრ სახალხო-სამეურნეო აღრიცხვის სამმართველოს შეუდგენენ აღრი-
ცვის კამპანიას ისეთი ვარაუდით, რომ უზრუნველყოფილ იქნას მთელი მუ-
შაობის დამთავრება სოფლის საბჭოებში ივლისის 1-ისათვის.

17. დაწესებულ იქნას, რომ სარაიონო საფინანსო განყოფილებები და სა-
ხალხო-სამეურნეო აღრიცხვის ინსპექტორები საქონლის აღრიცხვის ჯამებსა და
საკონტროლო შემოვლის შედეგებს მოახსენებენ სარაიონო აღმასრულებელ კო-
მიტეტებსა და საქალაქო საბჭოებს.

18. დაევალოს ავტონომიური რესპუბლიკებისა და ოლქის სახალხო-სა-
მეურნეო აღრიცხვის სამმართველოებს და აგრეთვე სახალხო-სამეურნეო აღრიცხ-
ვის სარაიონო ინსპექტორებს-მეურნეობებისა და საქონლის აღრიცხვის რეს-
პუბლიკანური და სარაიონო ჯამები წარადგინონ საქართველოს სსრ სახალხო-
სამეურნეო აღრიცხვის სამმართველოში შემდეგ ვადებზე:

ყვარლის, ლაგოდეხის, ყარაიას, ყაზბეგის, კასპის, ადიგენის, ხორა-
გოულის, ხონის, ვანის, ბაღდადის, ჩხარის, ტყიბულის, ხობის,
ფოთის, ლანჩხუთის მახარაძის და ქვემო-სვანეთის რაიონებში—ივლისის 5-ს

თელავის, გურჯაანის, სიღნაღის, საგარეჯოს, თიანეთის, დუშეთის,
ტფილისის, აღბულახ-მანგლისის, წალკის, ბორჩალოს, ლუქსემბურ-
გის, ბაშკიჩეთის, გორის, სტალინისის, ბორჯომის, ახალციხის,

ასპინძის, ახალქალაქის, ბოგდანოვკის, კიათურის, ზესტაფონის, ქუთაისის, სამტრედიის, ცაგერის, ონის, ამბროლაურის, აბაშის, სენაკის, მარტვილის, ზუგდიდის, წალენჯიხის, ჩხოროწყუს და ჩოხატაურის რაიონებში და აფხაზეთის და აჭარისტანის ასს რესპუბლიკებში და სამხრეთ-ოსეთის ავტ. ოლქში ივლისის 10-

19. საქართველოს სსრ სახალხო-სამეურნეო აღრიცხვის სამმართველო, საქართველოს სსრ ფინანსთა სახალხო კომისარიატთან ერთად, საქონლის აღრიცხვის წინასწარ ჯამებს წარადგენს საქართველოს სსრ სახალხო კომისართა საბჭოში სექტემბრის 1-თვის.

20. დაწესებულ იქნას, რომ სახელმწიფო აღრიცხვისაგან მეურნეობებისა და საქონლის გადამალვაში დამნაშავე პირნი და აგრეთვე სააღრიცხვო საშუალოთა ცუდად ჩატარებაში დამნაშავე პირნი, უკეთეს ეს გამოიწვევს მეურნეობებისა და საქონლის არა სრულ აღრიცხვას, მიიტყვიან პასუხისმგებლობაში სისხლის სამართლის წესით, თანახმად საქართველოს ცენტრალური აღმასრულებელი კომიტეტის და საქართველოს სსრ სახალხო კომისართა საბჭოს 1933 წ. დეკემბრის 7-ის დადგენილებისა „არასწორე სააღრიცხვო და საანგარიშო ცნობების წარდგენისათვის და აგრეთვე სააღრიცხვო-საანგარიშო მისაღების წარდგენის ფორმებისა და ვადების დარღვევისათვის პასუხისმგებლობის შესახებ“ (საქ. სსრ კან. კრ. 1934 წ. 1-ლი № ი, მუხ. 34).

21. აიკრძალოს სააღრიცხვო კამპანიის მთელი ვადის განმავლობაში ფინანსთა სახალხო კომისარიატისა და სახალხო-სამეურნეო აღრიცხვის სამმართველოს ორგანოების იმ მომუშავეთა მობილიზაცია, რომელნიც ჩაბმულ იქნებიან მეურნეობებისა და საქონლის აღრიცხვის ჩატარებაში, სხვა რომელიმე საქმურ-ნეო კამპანიისათვის.

საქ. სსრ ს.კ.ს-ის თავმჯდომარე გ. მგალობლიშვილი.

საქ. სსრ ს.კ.ს-ის საქმეთა მმართველი ა. ქავთარაძე.

1935 წ. ივნისის 2. № 706.

ტფილისი.

გამოქვეყნებულია გაზ. „კომუნისტის“ 128. №-ში 1935 წ. ივნისის 3.

103. დადგენილება ს.კ.ს.

საქართველოს სსრ-ში 1935 წლის მოხაველიდან ყურძნისა და ღვინის კონტრაქტაციის და დამზადების გეგმის შესახებ.

საქართველოს სსრ სახალხო კომისართა საბჭო ადგენს:

1. დატოვებულ იქნას 1935 წლისთვის ყურძნისა და ღვინის სავალდებულო სახელმწიფო კონტრაქტაცია კოლმეურნეობებში, კოლმეურნეებთან და ერთპიროვნულ მეურნეობებთან.

2. დამტკიცდეს 1935 წლის მოსავლიდან ყურძნისა და ღვინის დამზადების სახელმწიფო გეგმა შემდეგი რაოდენობით:

სამრეწველო ყურძენი და ღვინო 27.500 ტონა
საკმელი ყურძენი 250 „

3. სავალდებულო სახელმწიფო კონტრაქტაციის და დამზადების ჩატარება დაეკისროს:

ტექნიკური ყურძნისა—სამტრესტს, უნიონს, ცაგერისა და ამბროლაურის სარაიონო აღმასრულებელ კომიტეტებთან არსებულ კომბინატებს.

საკმელი ყურძნისა—საქილბოსტანს.

4. ყურძნისა და ღვინის დამზადების რესპუბლიკანური გეგმა განაწილდეს დამზადებლების, რაიონების და დამზადების ვადების მიხედვით, თანახმად დართული ცხრილის № 1.

5. დამტკიცდეს 1935 წელს ცალკეული რაიონების კოლმეურნეობათა, კოლმეურნეთა და ერთპიროვნულ მეურნეობისათვის ყურძნის კონტრაქტაციით ჩაბარების შემდეგი ნორმები ერთ ჰექტარ ნაყოფისმომცემ ვენახზე (ცენტნერობით):

რაიონები	კოლმეურნეობებისათვის	კოლმეურნეებისათვის		ერთპიროვნული მეურნეობებისათვის
		ისეთ კოლმეურნეობებში, რომელთაც აქვთ განსაკუთრებული ვენახები	ისეთ კოლმეურნეობებში, რომელთაც არა აქვთ განსაკუთრებული ვენახები	
I ჯგუფი—ლუქსემბურგის რაიონი	38	35	36	43
II ჯგუფი—ბადდ. და აღბ. რაიონები	17	14	15	23
III ჯგუფი—ყვარლის, გურჯაანის და სიღნაღის რაიონები	16	13	14	20
IV ჯგუფი—თელავის, ბორჯაღოს, ვანის, ზესტაფონის, ჩხარის, ქუთაისის და ხორავაჯულის რაიონები	15	12	13	18
V ჯგუფი—ჩოხატაურის, მახარაძის და ამბროლაურის რაიონები	10	8	9	15
VI ჯგუფი—ცაგერის რაიონი	8	6	7	13

6. ნება დაერთვას ზემოაღნიშნული რაიონების აღმასრულებელ კომიტეტებს დაადიფერენცონ ერთ ჰექტარზე ჩაბარების საშუალო სარაიონო ნორმები სასოფლო საბჭოებზე და კოლექტიურ მეურნეობებზე, ხოლო ისე კი, რომ უზარუნველყოფილ იქნას დამზადების სარაიონო გეგმის მთლად აღსრულება.

7. ნება დაერთვას დამზადებლებს მისცენ კონტრაქტანტებს ვენახების მოვლის ხარჯებისათვის ფულადი ავანსები ერთ ტონა დაკონტრაქტებულ პროდუქტიაზე შემდეგი რაოდენობით: კოლმეურნეობებს—275 მან., კოლმეურნეებს—

250 მან. და ერთპიროვნულ მეურნეობებს—225 მანეთი; ავანსები გაიცეს დაზღვევაზე: ხელშეკრულების დადებისას 50% და ნაყოფის გამოსახვის მიხედვით მოსავლის პირის გამორკვევის შემდეგ დანარჩენი 50%, ხოლო არა უგვიანეს ივლისის 1-ისა.

8. დაევალოს სახელმწიფო ბანკის საქართველოს კონტორას გაუხსნას ძირითად დამზადებლებს კრედიტი ყურძნის კონტრაქტაციის ავანსებისათვის შემდეგი რაოდენობით (ათას მანეთობით):

	ს უ ლ	ა ქ ე დ ა ნ	
		მაისში	ივნისში
სამტრესტს	5140,0	2570,0	2570,0
უნონს	903,0	451,5	451,5
ამბროლაურის კომბინატს	135,0	67,5	67,5
ცაგერის კომბინატს	75,0	37,5	37,5
საქზილბოსტანს	62,5	31,3	31,2
ს უ ლ	6316,0	3157,8	3157,7

9. დაევალოს ძირითად დამზადებლებს დაასრულონ ყურძნისა და ღვინის სავალდებულო სახელმწიფო კონტრაქტაციის ჩატარება არა უგვიანეს ა/წ-ივნისის 20-ისა.

10. საკავშირო სახალხო კომისართა საბჭოსთან არსებულ დამზადებათა კომიტეტის რწმუნებულმა საქართველოში 2 დღის ვადაზე მისცეს რაიონებს ინსტრუქცია ამა დადგენილების ჩატარების შესახებ.

საქ. სსრ ს.კ.ს-ოს თავმჯდომარე გ. მგალობლიშვილი.

საქ. სსრ ს.კ.ს-ოს საქმეთა მმართველი ა. ქავთარაძე.

სახელმწიფო გეგმა საქართველოს სსრ-ში 1985 წლის მოსავლის
 ყურძნის დამზადებისა

(ტონობით)

	დამზადების გეგმა						დამზ. ვადები	
	კოლექტიური მეურნეობანი	კოლმეურნენი	ერთობრივებული მეურნეობანი	სულ საკომე- ურნეო-საკლესო სექტორში	საბკადა მეურ- ნეობანი	მთლად	სექტემბერში	მე-IV კვარტალ- ში
„სამტრესტი“								
ბაღდადის რაიონში	313	115	2362	2790	110	2900	—	2900
სიღნაღის „	24	11	1215	1250	—	1250	600	650
ყვარლის „	38	35	1377	1450	—	1450	600	850
გურჯაანის „	300	150	3625	4075	575	4650	1500	3150
ვანის „	10	270	1220	1500	—	1500	—	1500
თელავის „	57	17	1076	1150	600	1750	600	1150
ჩხარის „	72	8	2040	2120	30	2150	—	2150
ზესტაფონის „	780	230	3040	4050	450	4500	—	4500
ქუთაისის „	31	24	670	725	—	725	—	725
ხორაგოლის „	30	36	784	850	—	850	—	850
ჩოხატაურის „	12	—	388	400	—	400	—	400
მხარაძის „	70	130	—	200	—	200	—	200
საგარეჯოს „	—	—	—	—	150	150	—	150
ტფილისის „	—	—	—	—	100	100	—	100
ბორჩალოს „	—	—	—	—	450	450	—	450
მარტვილის „	—	—	—	—	25	25	—	25
სულ სამტრესტის ზაზით .	1737	1026	17797	20560	2490	23050	3300	19750
უნიონი								
ლუქსემბურგის რაიონი . .	1844	36	1720	3600	—	3600	—	3600
ამბროლაურის კომბინ. ამბროლაურის რაიონში .	30	510	—	540	10	550	—	550
ცაგერის კომბინ. ცაგერის რაიონში	—	—	300	300	—	300	—	300
სულ ტექნიკური ყურძენი .	3611	1572	19817	25000	2500	2750	3300	24200
„საქშიდობსტანი“								
აღბულახის რაიონში	88	—	62	150	—	150	50	100
ბორჩალოს „	—	—	100	100	—	100	50	50
სულ საკმედი ყურძენი . .	88	—	162	250	—	250	100	150

ჯანმრთელობის დაცვა

კაქ. № 115-14-218 104. დადგენილება ს.კ.ს.

საქართველოს სსრ ჯანმრთელობის სახალხო კომისარიატთან არსებული დედობისა და ბავშვობის დაცვის სახელმწიფო სამეცნიერო-საკვლევო ინსტიტუტის დებულების დამტკიცების შესახებ.

საქართველოს სსრ სახალხო კომისართა საბჭო ადგენს:

1. დამტკიცებულ იქნას ქვემოთდევნი დებულება საქართველოს სსრ ჯანმრთელობის სახალხო კომისარიატთან არსებული, დედობისა და ბავშვობის დაცვის სახელმწიფო სამეცნიერო-საკვლევო ინსტიტუტის შესახებ.

2. გაუქმებულ იქნას საქართველოს სსრ სახალხო კომისართა საბჭოს 1932 წ. ნოემბრის 10-ის დადგენილებით დამტკიცებული დებულება საქართველოს სსრ ჯანმრთელობის სახალხო კომისარიატთან არსებული, დედობისა და ჩვილობის დაცვის სახელმწიფო სამეცნიერო-საკვლევო ინსტიტუტის შესახებ (საქ. სსრ კან. კრ. 1932 წ. 24 №-ი, მუხ. 252).

საქ. სსრ ს.კ.ს-ის თავმჯდომარის მოადგ. ბ. მდივანი.

საქ. სსრ ს.კ.ს-ის საქმეთა მმართველი ა. ქავთარაძე.

1935 წ. მაისის 23. № 669.

ტფილისი.

დ ე ბ უ ლ ე ბ ა

საქართველოს სსრ ჯანმრთელობის სახალხო კომისარიატთან არსებული, დედობისა და ბავშვობის დაცვის სახელმწიფო სამეცნიერო-საკვლევო ინსტიტუტის შესახებ.

1. ინსტიტუტის მიზანი და ამოცანები.

1. დედობისა და ბავშვობის დაცვის სახელმწიფო სამეცნიერო-საკვლევო ინსტიტუტი, წარმოადგენს-რა ჯანმრთელობის ორგანოების სამეცნიერო-პრაქტიკულ ბაზას, სამეცნიერო-საკვლევო სამუშაოების გეგმიანად წარმოების მეშვეობით შეისწავლის და დაამუშავებს ჩვენი ქვეყნის კულტურულ-სოციალისტური მშენებლობის მოთხოვნილებათა შესაბამისად, შემდეგ საკითხებს:

ა) დედათა, ჩვილთა, ბავშვთა და მოზარდთა ჯანმრთელობის დაცვის შესახებ;

ბ) ქალებისა და ბავშვების შრომისა და ყოფა-ცხოვრების გაჯანსაღების შესახებ;

გ) დედობისა და ბავშვობის დაცვის დაწესებულებათა ორგანიზაციისა, რეკონსტრუქციისა და რაციონალიზაციის შესახებ.

2. დედობისა და ბავშვობის დაცვის სახელმწიფო ინსტიტუტს, არსებული იგი სამეცნიერო-საკვლევო დაწესებულება, აქვს ამ კატეგორიის დაწესებულება-თათვის მიკუთვნებული ყველა უფლება და უპირატესობა.

3. დედობისა და ბავშვობის დაცვის სამეცნიერო-საკვლევო ინსტიტუტის სამეცნიერო თანამშრომლებისათვის არსდება, თანახმად სსრ კავშირის სახალხო კომისართა საბჭოს 1934 წ. იანვრის 13-ის დადგენილებისა „სამეცნიერო ხარისხთა და წოდებათა შესახებ“ (სსრკ კან. კრ. 1934 წ. № 3, მუხ. 30), სამეცნიერო წოდება: ა) უმცროსი სამეცნიერო თანამშრომლისა; ბ) უფროსი სამეცნიერო თანამშრომლისა და გ) სამეცნიერო-საკვლევო ინსტიტუტის ნამდვილი წევრისა.

სამეცნიერო ხარისხი და სამეცნიერო წოდება მიეკუთვნება სამეცნიერო თანამშრომლებს აღნიშნული დადგენილების თანახმად.

4. დედობისა და ბავშვობის დაცვის სახელმწიფო ინსტიტუტი შედის ჯანმრთელობის სახალხო კომისარიატის ორგანოების სისტემაში დედობისა და ბავშვობის დაცვის სამმართველოს ხაზით.

5. დედობისა და ბავშვობის დაცვის სახელმწიფო სამეცნიერო-საკვლევო ინსტიტუტს აქვს ბეჭედი და თავისი სახელწოდების შტამპი.

6. დედობისა და ბავშვობის სახელმწიფო-საკვლევო ინსტიტუტს ეკისრება: ა) შეისწავლოს პედიატრიისა, პედოლოგიისა, მეანობისა, გინეკოლოგიისა და სხვა მეცნიერებათა საკითხები, რათა სამეცნიერო ცნობანი გამოყენებულ იქნან ქალთა და ბავშვთა მოსახლეობის გაჯანსაღებისათვის;

ბ) მოამზადოს სპეციალისტების კადრები სამეცნიერო-პრაქტიკულ საქმიანობისათვის დედობისა და ბავშვობის დაცვის ხაზით;

გ) გაუწიოს სამეცნიერო ხელმძღვანელობა დედობისა და ბავშვობის დაცვის საქმის დაყენებას მთლად საქართველოს სსრ ტერიტორიაზე, ავტონომიური რესპუბლიკებითა და ავტონომიური ოლქითურთ;

დ) გაუწიოს სამეცნიერო ხელმძღვანელობა სამკურნალო-საპროფილაქტიკო დაწესებულებათა ორგანიზაციისა და გაფორმების საქმეს დედობისა და ბავშვობის დაცვის სფეროში;

ე) შეიმუშაოს ეპიდემიების საწინააღმდეგო ღონისძიებათა მეთოდები;

ვ) შეიმუშაოს მეცნიერულად ქალებისა და ბავშვებისათვის სამკურნალო-საპროფილაქტიკო დახმარების ორგანიზაციის საკითხები;

ზ) მოაწყოს მეცნიერულად ბავშვთა და მოზარდთა შორის საკვლევო მუშაობის დაყენების საქმე;

თ) შეიმუშაოს სააღმზრდელო-საგაჯანსაღებლო საბავშვო დაწესებულებათა და პირადი ჰიგიენის სასანიტარო-საჰიგიენო ნორმები;

ი) შეისწავლოს ბავშვთა მოსახლეობის მოძრაობა: დაბადებულობა, სიკვდილიანობა და დაავადებულობა;

კ) შეისწავლოს ქალთა შრომა და ყოფა-ცხოვრება და მეურნეობის ახალ დარგებში ქალთა შრომის შთანერგვის საკითხები;

ლ) დააყენოს მეცნიერულად რაიონებში დედობისა და ბავშვობის დაცვისათვის საპირრო მუშაობის ანგარიშისა და აღრიცხვის საქმე;

მ) უზრუნველყოს მომუშავენი სასანიტარო-საგანმანათლებლო ლიტერატურით დედობისა და ბავშვობის დაცვის საკითხებზე;

ნ) შეიმუშაოს კონკრეტული სამეცნიერო ღონისძიებანი საბავო ასაკის ბავშვთა დაავადებისა და სიკვდილიანობის წინააღმდეგ;

ო) ხელი შეუწყოს დედობისა და ბავშვობის დაცვის ორგანოებს სამკურნალო-სააღმზრდელი და სავაჯანსაღებლო დაწესებულებათა მოწყობაში (სკოლა, სანატორიუმი, სკოლა ცის ქვეშ, ბავა, სადიეტო სასაილო, სატყეო სკოლა და სხვა მისთ.).

7. ამ ამოცანათა განსახორციელებლად დედობისა და ბავშვობის დაცვის სახელმწიფო სამეცნიერო-საკვლევო ინსტიტუტი:

ა) აწარმოებს სამეცნიერო-საკვლევო და საცდელ სამუშაოებს თავისი სათანადო სექტორებისა, განყოფილებებისა, ლაბორატორიებისა და კლინიკების მეშვეობით დამხმარე დაწესებულებებში და საბაზო საბავშვო დაწესებულებებში;

ბ) ატარებს საექსპედაციო მუშაობას სათანადო რაიონებში წინასწარ დასახული გეგმით;

გ) სდებს შეთანხმებას სხვადასხვა დაწესებულებასა და ორგანიზაციასთან დედობისა და ბავშვობის დაცვის საკითხების მეცნიერულად შემუშავების თაობაზე;

დ) სცემს სამეცნიერო-პრაქტიკული ხასიათის სამუშაოებს და აგრეთვე ეწევა მეცნიერულ ცოდნათა პოპულარიზაციას მუშათა და გლეხთა მასებს შორის დედობისა და ბავშვობის დაცვის საკითხთა გაშუქებით;

ე) ამყარებს სამეცნიერო კავშირს და გამოცდილების გაცვლა-გამოცვლას დედობისა და ბავშვობის დაცვის სამეცნიერო-საკვლევო და სამეცნიერო-პრაქტიკულ დაწესებულებებთან, როგორც სსრ კავშირის შიგნით, ისე საზღვარგარეთ;

ვ) აწვობს რესპუბლიკანური და ადგილობრივი მნიშვნელობის ყრილობებს, ონფერენციებს, სამეცნიერო კრებებს, მოხსენებებს, საჯარო ლექციებს და სხვა ისთ., და აგრეთვე მონაწილეობას იღებს რესპუბლიკანურ, საზოგადოებრივ და აერთაშორისო ყრილობებსა და კონფერენციებში დედობისა და ბავშვობის დაცვის საკითხებზე;

ზ) სამეცნიერო და სამეცნიერო-საკვლევო კადრების მომზადების მიზნით არსებს თავისთან ასპირანტურას; ამასთახავე, ასპირანტებად ჩარიცხვა და მათი წავლება სწარმოებს თანახმად სსრ კავშირის სახალხო კომისართა საბჭოს 1934 წ. ანერის 13-ის დადგენილებისა „სამეცნიერო და სამეცნიერო-პედაგოგიურ მოუშავეთა მომზადების შესახებ“ (სსრკ კან. კრ. 1934 წ. № 3, მუხ. 29).

II. ინსტიტუტის სტრუქტურა.

8. ინსტიტუტის სტრუქტურა და მასთან არსებულ დამხმარე დაწესებულებათა რიცხვი და ხასიათი განისაზღვრება საერთოდ დადგენილი წესისამებრ.

III: ინსტიტუტის მმართველობა.

9. დედობისა და ბავშვობის დაცვის სახელმწიფო სამეცნიერო-საკვლევო ინსტიტუტის სათავეში დგას დირექტორი, რომელიც განაგებს ინსტიტუტის სამეცნიერო, საკვლევო და საადმინისტრაციო-სამეურნეო მუშაობას და რომელიც პასუხს აგებს, ერთმმართველობის წესისამებრ, ინსტიტუტის მთელი მუშაობისა და საფინანსო-მატერიალური სახსრისათვის.

10. ინსტიტუტის დირექტორს ჰყავს ორი მოადგილე: ერთი საორგანიზაციო-საადმინისტრაციო ნაწილისათვის, ხოლო მეორე—სამეცნიერო-საკვლევო ნაწილისათვის.

11. ინსტიტუტის დირექტორს და მის მოადგილეებს ჰნიშნავს ჯანმრთელობის სახალხო კომისარიატი დედობისა და ბავშვობის დაცვის სამმართველოს წარდგენით.

12. ინსტიტუტის დირექტორი:

ა) ხელმძღვანელობას უწევს ინსტიტუტის ყველა სამუშაოს ამა დებულების ფარგლებში;

ბ) თავმჯდომარეობს ინსტიტუტის თათბირებსა და სამეცნიერო კონფერენციებში; ამტკიცებს მათ დადგენილებებს და ატარებს ამ დადგენილებებს ცხოვრებაში.

გ) ჰნიშნავს და გადააყენებს ინსტიტუტის თანამშრომლებს;

დ) არის ინსტიტუტის ყველა ფულადი და მატერიალური სახსრის განმკარგვლებელი და პასუხს აგებს საბიუჯეტო დისციპლინის დაცვისათვის;

ე) სდებს ყოველგვარ ხელშეკრულებას და გარიგებას, რაც ინსტიტუტის ამოცანებს შეესაბამება;

ვ) ხსნის ინსტიტუტის სახელზე მიმდინარე ანგარიშებს საკრედიტო დაწესებულებებში და ხელს აწერს საამისო ჩეკებს;

ზ) უდგენს დედობისა და ბავშვობის დაცვის სამმართველოს საწარმოო-საფინანსო და თემატურ გეგმებს და აგრეთვე ხარჯთაღრიცხვებს, სამეცნიერო-საწარმოო ანგარიშებს და სხვა მასალას;

თ) აწარმოებს ყოველგვარ ურთიერთ მიმართვას ინსტიტუტის სახელით სხვა დაწესებულებებთან და თანამდებობის პირებთან;

ი) წარმომადგენლობს ინსტიტუტის სახელით ყველა დაწესებულებაში, მათ შორის სასამართლო დაწესებულებებშიაც;

კ) აძლევს თავისი უფლებამოსილობის ფარგლებში რწმუნებულებას ინსტიტუტის თანამშრომლებს;

№ 17
საქართველოს
საგარეო
საგანგებო
აფარმაცხელ
საგანგებო
სამსახურის
სამსახური

ლ) ანხორციელებს ინსტიტუტის საგეგმო მუშაობის აღსრულებას, შეიქმნის მუშაობის გეგმას და ზემდგომი ორგანოების განკარგულებათა აღსრულების კონტროლს.

13. ინსტიტუტის სამეცნიერო-საპედაგოგიკო და საგეგმო საკითხების განსახილველად დირექტორთან არსდება სათათბირო ორგანოს სახით სამეცნიერო საბჭო, რომლის შედგენილობაშიც შედიან: ინსტიტუტის დირექტორი, როგორც საბჭოს თავმჯდომარე, დირექტორის მოადგილენი, სექტორების გამგენი, ძირითადი განყოფილებების გამგენი, საქართველოს სსრ ჯანმრთელობის სახალხო კომისარიატის დედობისა და ბავშვობის დაცვის სამმართველოს წარმომადგენელი, ქალ. ტფილისის დედობისა და ბავშვობის დაცვის დაწესებულებათა წარმომადგენელი და ინსტიტუტის პარტიული და საზოგადოებრივი ორგანიზაციების წარმომადგენლები.

შენიშვნა. საბჭოს სხდომაზე ცალკეული საკითხების განხილვის დროს შეიძლება მიწვეულ იქნან სხვა ორგანიზაციების წარმომადგენლნი სათათბირო ხმის უფლებით.

14. საბჭო მოიწვევა ორ თვეში ერთხელ მაინც ინსტიტუტის დირექტორის ინიციატივით ან საბჭოს წევრთა რიცხვის 1/3 განცხადებით.

15. უკეთუ დირექტორსა და სამეცნიერო საბჭოს შორის შეუთანხმებლობა მოხდა, დირექტორი წარუდგენს საქართველოს სსრ ჯანმრთელობის სახალხო კომისარიატის დედობისა და ბავშვობის დაცვის სამმართველოს, როგორც სამეცნიერო საბჭოს ოქმს, ისე თავის დასაბუთებას, რაზე არ ეთანხმება საბჭოს.

IV. ინსტიტუტის ბიუჯეტი.

16. დედობისა და ბავშვობის დაცვის სახელმწიფო სამეცნიერო-საკვლევო ინსტიტუტის ბიუჯეტი შედგება: 1) ჯანმრთელობის სახალხო კომისარიატის მიერ სახელმწიფო ბიუჯეტით გადადებული სახსრისაგან და 2) ინსტიტუტის სპეციალური სახსრისაგან, რაც შეიქმნება საამისო სპეციალური დებულების წესით.

1979. 11.35-21-185

105. დადგენილება ც.ა.კ. და ს.კ.ს.

ქალაქებსა, საკურორტო ადგილებსა და მუშათა დაბებში მღრღნელთა წინააღმდეგ ბრძოლის ღონისძიებათა შესახებ.

ქალაქებისა, საკურორტო ადგილებისა და მუშათა დაბების სანიტარულად გაჯანსაღების მიზნით სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისარიათა საბჭო ადგენენ:

1. დაწესებულ იქნას მღრღნელებთან ბრძოლის (დერატიზაციის) სავალდებულო ჩატარება ქალაქებსა, საკურორტო ადგილებსა და მუშათა დაბებში:

2. იმ ადგილების სიას, სადაც ჩატარებულ უნდა იქნას აღნიშნული ღონისძიება, და აგრეთვე მისი ჩატარების ვადებს განსაზღვრავს საქართველოს სსრ ჯანმრთელობის სახალხო კომისარიატი სათანადო საქალაქო საბჭოებთან და სარაიონო აღმასრულებელ კომიტეტებთან შეთანხმებით.

3. ზემოაღნიშნულ ღონისძიებებს საქალაქო საბჭოები და სარაიონო აღმასრულებელი კომიტეტები ჩაატარებენ „სავალდებულო დადგენილებათა გამოცემისა და ამ დადგენილებათა დარღვევისათვის პასუხისმგებლობის დებულების“ (საქ. სსრ კან. კრ. 1931 წ. მე-20 №-ი, მუხ. 208; 1932 წ. მე-24, №-ი მუხ. 237; 1933 წ. მე-12 №-ი, მუხ. 148) თანახმად გამოცემული სავალდებულო დადგენილებების საფუძველზე.

4. სადერატიზაციო სამუშაოები ჩატარებულ უნდა იქნას საეგემო წესით იმ ინსტრუქციის თანახმად, რასაც გამოსცემს საქართველოს სსრ ჯანმრთელობის სახალხო კომისარიატი.

5. ეზოებისა და სადგომების (საცხოვრებელი, სასაწყობო, სავაჭრო-სამრეწველო, დაწესებულებების მიერ დაქერილი და სხვა მისთ. სადგომების) დერატიზაციას აწარმოებს საქართველოს ავიაქიმის ოპერატიულ-განმანადგურებელი სადგური ჯანმრთელობის ადგილობრივი ორგანოების მეთვალყურეობით.

6. სადერატიზაციო სამუშაოთა სასყიდელი გადახდება სადგომების დამჭირავებლებს სადგომის სასარგებლო ფართობზე (გარდა ეზოებისა, ბაღებისა და უშენობო ფართობებისა), სათანადო საქალაქო საბჭოებისა და სარაიონო აღმასრულებელი კომიტეტების მიერ დაწესებული ნიხრის მიხედვით.

საცხოვრებელ სახლებში სადერატიზაციო სამუშაოების სასყიდლის გადახდევინებას აწარმოებენ სახლთმპარტელობანი, რომელნიც ახდევინებენ განაწილების კვალობაზე სადგომების დამჭირავებლებს მათ ხვედრ სასყიდელს და პასუხისმგებელნი არიან ამ თანხების თავის დროზე აკრეფისათვის.

შენიშვნა. სადერატიზაციო სამუშაოთა განაკვეთის საშუალო რაოდენობა ქ. ტფილისში 1935 წლისთვის განისაზღვროს დამუშავებულ კვადრატულ მეტრზე 6,5 კაბ. წელიწადში (უკეთუ მუშაობა ჩატარებულ იქნება წელიწადში 4-ჯერ); დერატიზაციის სასყიდელი სხვა ადგილებში 1935 წელს არ უნდა აღემატებოდეს აღნიშნულ საშუალო განაკვეთს ვიდრე 30 პროცენტით.

7. სავაჭრო-სასაწყობო სადგომებში და საწარმოებში (ფაბრიკა, ქარხანა, სახელოსნო და სხვა მისთ.) სადერატიზაციო სამუშაოები სწარმოებს ხელშეკრულებათა საფუძველზე, რასაც დასდებენ სავალდებულო წესით საქ. ავიაქიმის ოპერატიული-განმანადგურებელი სადგური და ამ სადგომების მფლობელნი და დამჭირავებელნი, ამასთანავე სადერატიზაციო სამუშაოების სასყიდელი გადახდება მათი შეთანხმების მიხედვით.

ამ სასყიდლის მაქსიმალურ რაოდენობას განსაზღვრავენ სათანადო საქალაქო საბჭოები და სარაიონო აღმასრულებელი კომიტეტები.

№ 17
საქართველოს
საგარეო
მინისტროს
სამსახურის
სამსახური

8. კომუნალურ საწარმოთა ნაგებობებში (კანალიზაცია და სხვა.) ტიზაციო სამუშაოები სწარმოებს საქ. ავიაქიმიის ოპერატიულ-გამანადგურებელი სადგურს და სათანადო საქალაქო საბჭოებს შორის სავალდებულო წესით დადებულ ხელშეკრულებათა საფუძველზე.

შენიშვნა. საქ. ავიაქიმიის ოპერატიულ-გამანადგურებელ სადგურთან დადებული სპეციალური ხელშეკრულებების საფუძველზე დასამუშავებელი ფართობების გვერდით მდებარე საცხოვრებელი სადგომებისა და საკანცელარიო ტიპის სადგომების დამქირავებლებს სადერატიზაციო სამუშაოების სასყიდელი გადახდებათ ამა დადგენილების მე-6 მუხლში აღნიშნული ტარიფების მიხედვით.

9. ჩატარებულ სადერატიზაციო სამუშაოთა სასყიდლის გადახდევინება სწარმოებს სანოტარო ორგანოების საალსრულებო წარწერების წესისამებრ.

შენიშვნა. სადგომების სახლთმფლობელობათა დავალიანება ამა დადგენილების გამოცემამდე ჩატარებული სადერატიზაციო სამუშაოებისათვის, დავის შემთხვევაში, შეიძლება გადახდევინებულ იქნას საერთო-სასარჩელო წესით.

10. გაუქმებულ იქნას სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1932 წ. თებერვლის 13-ის დადგენილება „საქართველოს სსრ-ის ქალაქებსა, საკურორტო ადგილებსა და მუშათა დაბებში მღრღნელთა წინააღმდეგ ბრძოლის ღონისძიებების შესახებ“ შემდგომი ცვლილებით (საქ. კან. კრ. 1932 წ. მე-4 №-ი, მუხ. 42; 1933 წ. მე-2 №-ი, მუხ. 45).

11. წინადადება მიეცეს საქართველოს სსრ კომუნალური მეურნეობის სახალხო კომისარიატს, საქართველოს სსრ ჯანმრთელობის სახალხო კომისარიატთან ერთად, გამოსცეს ინსტრუქცია ამა დადგენილების შესრულებისათვის.

სრ. საქ. ც.ა.კ-ის თავმჯდომარე ფ. მახარაძე.

საქ. სსრ ს.კ.ს-ის თავმჯდომარის მოადგ. ბ. მდივანი.

სრ. საქ. ც.ა.კ-ის მდივანი თ. ჟღენტაძე.

1935 წ. მაისის 25. № 44/281.
ტიფლისი.

გამოქვეყნებულია გაზ. „კომუნისტის“ 127 №-ში 1935 წ. ივნისის 2.

106. დადგენილება ს.კ.ს.

მალარიან რაიონებში ყველა დაქაობებული ადგილის აღრიცხვისა და საქართველოს სსრ ქაობიანობის რუკის შედგენის შესახებ.

საქართველოს სსრ სახალხო კომისართა საბჭო ადგენს:

1. 1935 წლის ნოემბრის 1-თვის ჩატარებულ იქნას საქართველოს სსრ მალარიან რაიონებში ყველა დაქაობებული ადგილის აღრიცხვა, ჯანმრთელობის

სახალხო კომისარიატის მიერ, კომუნალური მეურნეობისა და მიწათმოქმედების სახალხო კომისარიატებთან შეთანხმებით, დამტკიცებული ინსტრუქციის შესაბამისად.

2. ამ სამუშაოების აღსრულების ორგანიზაცია დაეკისროს კუთვნილები-სამებრ საქართველოს სსრ შედგენილობაში შემავალი ავტონომიური რესპუბლიკებისა და ავტონომიური ოლქის ცენტრალურ აღმასრულებელ კომიტეტებს, საქალაქო საბჭოებს, სარაიონო აღმასრულებელ კომიტეტებს, სათანადო სამეურნეო ორგანიზაციებს, საბჭოთა მეურნეობებს, მიწათმოქმედების სახალხო კომისარიატს—ამ აღრიცხვის სამანქანო-სატრაქტორო სადგურებსა, სამიწათმოქმედო განყოფილებებსა და სასოფლო-სამეურნეო სკოლების კარმიდამოებში მოწყობის მხრით, განათლების სახალხო კომისარიატს—სკოლების კარმიდამოებში აღრიცხვის მოწყობის მხრით, „ცეკავშირს“—კოოპერატიულ მეურნეობებში აღრიცხვის მოწყობის მხრით, ამიერკავკასიის რკინის გზების სამმართველოს და „ა/კრკინგზამშენს“.

დაჭაობებული ადგილების აღრიცხვასთან დაკავშირებული სამუშაოები ჩატარებულ უნდა იქნას ზემოაღნიშნული ორგანიზაციების ძალებით და ფულადი სახსრით, საჭირო ხარჯების მათ საწარმოო-საფინანსო გეგმებსა და ხარჯთაღრიცხვებში შეტანით.

3. წინადადება მიეცეს საქალაქო საბჭოებს, სამრეწველო საწარმოებს, საბჭოთა მეურნეობებს და აგრეთვე საერთო-სახელმწიფოებრივი მნიშვნელობის კურორტების საკურორტო სამმართველოებს—შეადგინონ 1935 წ. ნოემბრის 1-მდე ქალაქებისა, სამრეწველო საწარმოთა, საბჭოთა მეურნეობებისა და კურორტების ტერიტორიაზე მდებარე ყველა წყალსატევის განწყობის გეგმა, წინასწარ ყველა წყალსატევის აღრიცხვით ინსტრუქციაში დადგენილი ფორმის მიხედვით; ამასთანავე, გეგმაზე ასახულ და აღრიცხულ უნდა იქნას აგრეთვე ის წყალსატევები, რაც მდებარეობს სამი კილომეტრის მანძილზე დასახლებული პუნქტიდან.

შენიშვნა. უკეთუ არ არსებობს ქალაქისა, საბჭოთა მეურნეობისა, სამრეწველო საწარმოს ან კურორტის დამტკიცებული გეგმა, შეიღებება მხოლოდ სქემატური გეგმა (სასიტუაციო სქემა), ხოლო დაჭაობებული ადგილები აუცილებლად აღირიცხება.

4. დაეკისროს ჯანმრთელობის სახალხო კომისარიატს:

ა) გაუწიოს სათანადო ორგანიზაციებს სპეციალური დახმარება და კონსულტაცია დაჭაობებული ადგილების აღრიცხვისათვის საჭირო მუშაობის ყველა სტადიაში;

ბ) იქონიოს კონტროლი ამა დადგენილების თავის დროზე და სათანადოდ აღსრულებისათვის.

5. დავეალოს ჯანმრთელობის სახალხო კომისარიატს—შეადგინოს საქართველოს სსრ კაობიანობის რუკა დაჭაობებული ადგილების აღრიცხვის მასალის საფუძველზე.

6. წინადადება მიეცეს ჯანმრთელობის სახალხო კომისარიატს—
ერთი დეკადის ვადაზე, კომუნალური მეურნეობის სახალხო კომისარიატთან და
შიწათმოქმედების სახალხო კომისარიატთან შეთანხმებით, ამა დადგენილების
1-ლი მუხლით გათვალისწინებული ინსტრუქცია.

საქ. სსრ ს.კ.ს-ოს თავმჯდომარე გ. მგალობლიშვილი.

საქ. სსრ ს.კ.ს-ოს საქმეთა მმართველი ა. ქავთარაძე.

1935 წ. აპრილის 21. № 504.
ტფილისი.

სისხლის საგართალი

107. დადგენილება ც.ა.კ.

**ამნისტია სამხრეთ-ოსეთში საბჭოთა ხელისუფლების დამყარების დღიდან
ხუთმეტი წლის შესრულების აღსანიშნავად.**

სამხრეთ-ოსეთში საბჭოთა ხელისუფლების დამყარების დღიდან ხუთმეტი
წლის შესრულების აღსანიშნავად და იმ მშრომელთა მდგომარეობის შესამსუ-
ბუქებლად, რომელთაც ჩაიღინეს სამხრეთ-ოსეთის ავტონომიური ოლქის ტერი-
ტორიაზე დანაშაული პირველად, გაქირვების გამო, შემთხვევით, შეუგნებლო-
ბით და რომელთაც შეუძლიათ თავიანთი მონაწილეობით სოციალისტურ მშე-
ნებლობაში გამოასწორონ საბჭოთა სახელმწიფოსათვის მიყენებული ზიანი, სრუ-
ლიად საქართველოს ცენტრალური აღმასრულებელი კომიტეტი ადგენს:

1. ერთ წლამდე—თანაერთვით—თავისუფლების აღკვეთას მისჯილი პირნი,
აგრეთვე სამხრეთ-ოსეთში საბჭოთა ხელისუფლების დამყარებისათვის შეიარა-
ღებული ბრძოლის მონაწილე ყოფილი წითელი პარტიზანები და წითელგვარ-
დიელები და მცირეწლოვანი ბავშვების მყოფი და ორსული ქალები, რომელთაც
მისჯილი აქვთ თავისუფლების აღკვეთა ხუთ წლამდე, განთავისუფლებულ იქნან
პატიმრობისაგან და სოციალური დაცვის დამატებითი ღონისძიებისაგან, რო-
გორც არის უფლებათა აყრა, განდევნა და გადასახლება, აგრეთვე დამატები-
თი ღონისძიებისაგან ჯარიმის და ქონების კონფისკაციის სახით, უკეთუ ის
უკანასკნელი ღონისძიება ფაქტიურად განხორციელებული არ არის ამა და-
დგენილების გამოქვეყნების მომენტამდე.

2. ხუთ წლამდე—თანაერთვით—თავისუფლების აღკვეთას მისჯილი და
სოციალური დაცვის ძირითადი ღონისძიების სახით იმავე ვადით გადასახლებას
მისჯილი პირნი, ხოლო უფრო მეტი ვადითაც იმავე სოციალური დაცვის ღო-
ნისძიებას მისჯილი ყოფილი წითელი პარტიზანები და წითელგვარდიელები,
რომელნიც მონაწილეობას იღებდნენ შეიარაღებულ ბრძოლაში სამხრეთ-ოსეთში
საბჭოთა ხელისუფლების დამყარებისათვის, განთავისუფლებულ იქნან შეიარაღში

პატიმრობისაგან, გადასახლებისაგან და აგრეთვე 1-ლ მუხლში აღნიშნული სოციალური დაცვის დამატებითი ღონისძიებებისაგან—სასამართლოს განაჩენით და აღნიშნული სოციალური დაცვის ძირითადი ღონისძიების ერთი მესამედის მოხდის შემდეგ.

3. განთავისუფლებულ იქნან განდევნისაგან ის პირნი, რომელთაც ეს განდევნა გადაეწყვიტათ სოციალური დაცვის ძირითადი ღონისძიების სახით, და აგრეთვე დამატებითი ღონისძიებისაგან ჯარიმისა და ქონების კონფისკაციის სახით, უკეთეს ეს უკანასკნელი ღონისძიება ფაქტიურად განხორციელებული არ არის ამა დადგენილების გამოკვეყნების მომენტამდე.

4. განთავისუფლებულ იქნან სოციალური დაცვის დამატებითი ღონისძიებისაგან განდევნის და გადასახლების სახით ის პირნი, რომელთაც მოიხადეს სოციალური დაცვის ძირითადი ღონისძიება.

5. განთავისუფლებულ იქნან იძულებითი მუშაობისაგან და მე-3 მუხლში აღნიშნული სოციალური დაცვის დამატებითი ღონისძიებებისაგან ის პირნი, რომელთაც ეს გადაეწყვიტათ სასამართლოს წესით, აგრეთვე ის პირნი, რომელთაც დაპატიმრება შეეცვალათ იძულებითი მუშაობით; განთავისუფლებულ იქნან ისინიც, ვისაც იძულებითი მუშაობა დაენიშნა საადმინისტრაციო წესით.

6. მოეხსნათ უფლების ყოველგვარი აყრა და გასამართლეობა ერთ წლამდე—თანჩართვით—თავისუფლების აღკვეთას მისჯილ პირთ, აგრეთვე სამხრეთ-ოსეთში საბჭოთა ხელისუფლების დამყარებისათვის შეიარაღებული ბრძოლის მონაწილე წითელ პარტიზანებს და წითელგვარდიელებს და მცირეწლოვანი ბავშვების მყობ და ორსულ ქალებს, რომელთაც მიესაჯათ თავისუფლების აღკვეთა ხუთ წლამდე—თანჩართვით, და სხვა, უფრო მსუბუქი სოციალური დაცვის ღონისძიება მისჯილ პირთ, უკეთეს მათ მოიხადეს სოციალური დაცვის ძირითადი ღონისძიება ან განთავისუფლებულ არიან ვადამდე ან ამა დადგენილების ძალით, აგრეთვე პირობითად მისჯილ პირთ.

7. მოიხსნას სასამართლოს და საადმინისტრაციო წესით დადებული გადაუხდევინებელი ჯარიმები ას მანეთამდე—თანჩართვით, სატყეო წესების დარღვევისათვის დადებული ჯარიმების გარდა.

8. სამხრეთ-ოსეთის ავტონომიური ოლქის სასამართლოებსა და საგამომიძებლო ორგანოებში წარმოებული ყველა საქმე ისეთი დანაშაულის შესახებ, რომლისთვისაც საქართველოს სსრ სისხლის სამართლის კოდექსის სოციალური დაცვის ღონისძიებად გათვალისწინებულია თავისუფლების აღკვეთა ერთ წლამდე—თანჩართვით, იძულებითი მუშაობა, ჯარიმა ას მანეთამდე ან სხვა, უფრო მსუბუქი სოციალური დაცვის ღონისძიება, აგრეთვე საქმეები სავალდებულო დადგენილებათა დარღვევის შესახებ მოისპოს შემდგომი წარმოებით.

9. დადგენილება ესე ვრცელდება მარტოოდენ იმ მშრომლებზე, რომელთაც ჩაიდინეს 1935 წ. ივნისის 8-მდე სამხრეთ-ოსეთის ავტონომიური ოლქის ტერიტორიაზე დანაშაული პირველად, იმისდამიუხედავად, სად იხდიან მისჯილნი მათთვის დანიშნულ სოციალური დაცვის ღონისძიებას, უკეთეს ისინი, ამის გარ-

№ 17
 1933 წლის
 ჩაღწევა

და, არ იხდინან სოციალური დაცვის ღონისძიებას სხვა ტერიტორიაზე ჩადენილი დანაშაულისათვის.

10. ამა დადგენილების მოქმედება არა ვრცელდება იმ პირებზე, რომელთაც მსჯავრი დაედვათ:

ა) აქტიური მონაწილეობისათვის იმ ანტისაბჭოთა პოლიტიკურ პარტიებსა და კონტრრევოლუციონურ ჯგუფებში, რომლებიც ისწრაფიან საბჭოთა ხელისუფლების დამხობას, ძირის გამოთხრას ან დასუსტებას, აგრეთვე ტერორისტული აქტებისა, აფეთქებისა, ცეცხლის წაქიდიებისა და მავნებლობისათვის;

ბ) იმ დანაშაულისათვის, რაც გათვალისწინებულია სსრ კავშირის ცენტრალური აღმასრულებელი კომიტეტის 1934 წ. ივნისის 8-ის დადგენილებით „სახელმწიფოებრივ დანაშაულთა (კონტრრევოლუციონურ და მმართველობის წესის წინააღმდეგ მიმართულ, სსრ კავშირისათვის განსაკუთრებით საშიშ დანაშაულთა) დებულებისათვის სამშობლოს ღალატის შესახები მუხლების დამატების თაობაზე“ (სსრკ კან. კრ. 1934 წ. 33 №-ი, მუხ. 255);

გ) ჯაშუშობისა, ბანდიტიზმისა, კონტრაბანდისა, ყალბი ფულის გაკეთებისა, არაერთჯერ ქურდობისა, მსხვილფეხა საქონლის გატაცებისა, მექრთამეობისა, გაფლანგვისა და სამსახურებრივი სიყალბის ჩადენისათვის; აგრეთვე საქართველოს სსრ სისხლის სამართლის კოდექსის 115 მუხლის მე-2 ნაწილით გათვალისწინებული დანაშაულისათვის;

დ) ქალის მოკვლისათვის ქალთა მონობისაგან განთავისუფლების საწინააღმდეგო მოქმედების ნიადაგზე, აგრეთვე იმ დანაშაულთა ჩადენისათვის, რაც გათვალისწინებულია საქართველოს სსრ სისხლის სამართლის კოდექსის 82¹, 162, 167, 168 169, 170, 171, 171¹ და 181 მუხლებით, და იმ საყოფაცხოვრებო დანაშაულისათვის, რაც გათვალისწინებულია საყოფაცხოვრებო დანაშაულთა დებულების მე-4 და 5 მუხლებით (საქართველოს სსრ სისხლის სამართლის კოდექსის დანართი);

ე) საქართველოს სსრ სისხლის სამართლის კოდექსის 75 მუხლის მე-2 ნაწილით გათვალისწინებული დანაშაულისათვის;

ვ) იმ დანაშაულისათვის, რაც გათვალისწინებულია სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს დადგენილებებით: 1932 წ. აგვისტოს 7-ისა „სახელმწიფო საწარმოთა, კოლექტიურ მეურნეობათა და კოოპერაციის ქონების დაცვისა და საზოგადოებრივი (სოციალისტური) საკუთრების განმტკიცების შესახებ“ (სსრკ კან. კრ. 1932 წ. 62 №-ი, მუხ. 360) და 1932 წ. აგვისტოს 22-ისა „სპეკულაციასთან ბრძოლის შესახებ“ (სსრკ კან. კრ. 1932 წ. 65 №-რი, მუხ. 375) და მეორე მუხლით სსრ კავშირის ცენტრალური აღმასრულებელი კომიტეტის 1933 წ. დეკემბრის 8-ის დადგენილებისა „არაკარგი თვისების პროდუქციის გამოშვებისათვის პასუხისმგებლობის შესახებ“ (სსრკ კან. კრ. 1933 წ. 73 №-ი, მუხ. 442).



11. მეთვალყურეობა ამა დადგენილების განხორციელებისათვის დაეკისროს სამხრეთ-ოსეთის ავტონომიური ოლქის ცენტრალურ აღმასრულებელ კომიტეტს და საქართველოს სსრ პროკურატურას.

სრ. საქ ც.ა.კ-ის თავმჯდომარე ფ. მახარაძე.

სრ. საქ ც.ა.კ-ის მდივანი თ. ჟღენტი.

1935 წ. ივნისის 7. № 46.

ტფილისი.

გამოქვეყნებულია გაზ. „კომუნისტი“ 132 №-ში 1935 წ. ივნისის 8.

108. დადგენილება ც.ა.კ.

ამნისტია სამხრეთ-ოსეთში საბჭოთა ხელისუფლების დამყარების დღიდან ხუთმეტო წლის შესრულების აღსანიშნავად—იმ პირობების, ვინც ჩაიდინა სამხედრო ტრიბუნალების ქვემდებარე ქმედობა და სამხედრო სადისციპლინო დანაშაული.

სამხრეთ-ოსეთში საბჭოთა ხელისუფლების დამყარების დღიდან ხუთმეტო წლის შესრულების აღსანიშნავად ამნისტიის შესახებ 1935 წლის ივნისის 7-ის თარიღით გამოცემული დადგენილების საქ. სსრ კან. კრ. 1935 წ. № 17, მუხ. 107; (გაზ. „კომუნისტი“ 1935 წლ. № 132) დამატებად, სსრ კავშირის ცენტრალური აღმასრულებელი კომიტეტის პრეზიდიუმის ამა ივნისის 5-ის დადგენილების (ოქმი № 9) შესაბამისად, სრულიად საქართველოს ცენტრალური აღმასრულებელი კომიტეტი ადგენს:

1. განთავისუფლებულ იქნას სამხრეთ-ოსეთის ავტ. ოლქის ტერიტორიაზე მყოფი სამხედრო ნაწილების ყველა სამხედრო მსახური მუშათა, გლეხთა და წითელი არმიის სადისციპლინო წესდების თანახმად დადებული გადასახდელი-საგან.

2. განთავისუფლებულ იქნას პატიმრობისაგან ყველა სამხედრო მსახური და სხვა მშრომელი, რომელსაც სამხედრო ტრიბუნალის განაჩენით გადაეწყვიტა თავისუფლების აღკვეთა ერთი წლით ან იძულებითი მუშაობა ერთ წლამდე.

3. განთავისუფლებულ იქნას პატიმრობისაგან ყველა სამხედრო მსახური და სხვა მშრომელი, რომელსაც სამხედრო ტრიბუნალის განაჩენით გადაეწყვიტა თავისუფლების აღკვეთა ერთი წლიდან სამ წლამდე—თანაჩართვით—ტრიბუნალის განაჩენით გადაწყვეტილი ვადის ნახევრის მოხდის შემდეგ.

4. განთავისუფლებულ იქნას სოციალური დაცვის დამატებითი ღონისძიებებისაგან, სხვათა შორის უფლებათა სრული ან ნაწილობრივი აყრისაგან, ყველა სამხედრო მსახური და სხვა მშრომელი, რომელსაც სამხედრო ტრიბუნალმა მიუსაჯა თავისუფლების აღკვეთა სამ წლამდე—თანაჩართვით, ან უფრო მსუბუქი სოციალური დაცვის ღონისძიება.



5. მოისპოს, წარმოების რა სტადიაშიაც უნდა იყოს, სამხედრო მსახურითა და სხვა მშრომელთა მიერ ჩადენილ დანაშაულთა შესახები საქმეები, უკეთეს ეს საქმეები სამხედრო ტრიბუნალს ექვემდებარება და სისხლის სამართლის კანონის სათანადო მუხლებით სოციალური დაცვის ღონისძიებად გათვალისწინებულია თავისუფლების აღკვეთა ან იძულებითი მუშაობა ვადით არა უმეტეს ერთი წლისა—თანჩართვით.

6. დადგენილება ესე ვრცელდება მარტოოდენ იმ მშრომელებზე, მათ შორის სამხედრო მსახურებზე, რომელთაც ჩაიდინეს 1935 წლ. ივნისის 8-მდე სამხრეთ-ოსეთის ავტონომიური ოლქის ტერიტორიაზე დანაშაული პირველად, იმის დამიუხედავად, სად იხდიან მსჯავრდადებულნი მათთვის დანიშნულ სოციალური დაცვის ღონისძიებას, უკეთეს ისინი, ამის გარდა, არ იხდიან სოციალური დაცვის ღონისძიებას სხვა ტერიტორიაზე ჩადენილი დანაშაულისათვის.

7. ამა დადგენილების მოქმედება არა ვრცელდება იმ პირებზე, რომელთაც მსჯავრი დაედვათ იმ დანაშაულისათვის, რაც აღნიშნულია, სამხრეთ-ოსეთის საბჭოთა ხელისუფლების დამყარების დღიდან ხუთმეტი წლის შესრულების აღსანიშნავად ამნისტიის შესახებ 1935 წლ. ივნისის 7-ის თარიღით გამოცემული დადგენილების მე-10 მუხლში.

სრ. საქ. ც.ა.კ-ის თავმჯდომარე ფ. მახარაძე.

სრ. საქ. ც.ა.კ-ის მდივანი თ. ულენტი.

1935 წ. ივნისის 14.
ტფილისი.

ფახი 40 კაპ.

გამომცემელი	საქ. სსრ ს. კ. ხ-ის საქმ. მმართველობა	1935 წ. № 33. პ/მ. რედაქტორი მ. გამარაძე
ქალაქის ფორმატი	62×94 სანტ.;	2 ბეჭდვ. ფურც.; 1 ბეჭდვ. ფურც. 48.500 სტამბ. ნიშანი.
გადაეცა სტამბას	14/VI;	ხელმოწერილია დასაბეჭდად 19/VII; ტირაჟი 1.800
მთავლ. რწმ. ს.—№	3916.	საქ. სსრ სახ. კომ. საბჭოს სტამბა. შეკვ. № 874